


浙江通志 三十五卷


關梁三



漢書門類			
二三五二號	九〇函	一四架	一二〇册

內閣文庫			
二九二函	一五二架	二三五二號	漢書類

內閣文庫			
番號	漢	2352	
冊數	120 (13)		
函號	292	48	



勅修浙江通志卷三十五

關梁

淺草文庫

湖州府

烏程歸安二縣附郭

駝橋

名勝志在府治前雪溪上以形製而名西吳

里語唐初建又名迎春橋以其直迎春門也

晉偃迎春橋記

橫亘溪上三巨橋迎春其甲也驚濤箭馳列柱櫛比覆以飛宇約以雕檻宋慶元間火知州李景和重建舊此橋或摧圯將墜夜遠處聞橋上若有千餘人工作呼聲及旦橋梁之將墜者煥然一新皆商賈船上檣木居處近橋者一無所聞覺或曰此魯般仙也

萬正湖州府志明萬曆元

年知府栗祁重修

儀鳳橋

西吳里語府治西南苕溪之上唐儀鳳年間



置因名宋天聖三年知州高慎交重建紹熙三年燬
於火易名紹熙崇禎烏程縣志明萬宏三十年耆民
鄔佩募修天啓五年知縣馬思理捐俸創修

國朝順治十五年知府劉愈奇重修

斜橋 宏治湖州府志在駱駝橋西北以其水出自于

城壕而形斜故名

望州橋 明一統志在府城迎春門內跨運河視衆橋

獨高

虹橋 西吳里語吳人謂虹橋為無星橋

眺谷橋 崇禎烏程縣志在虹橋南跂足可望城外山

谷故名久圯縣丞丁炳捐修

長橋 吳興掌故宋政和中章援知州事於郡東南重

建長橋建炎末郡人易木以石且築渚中流析橋為

二南名其棠高壯可通大舟北仍名長橋明天順四

年邱璿知湖州以長橋歲久圯壞鳩工重建

記郡城之南有水橫貫於南北曰霅溪溪之上游曰

長橋舊名伏龍又名東駱駝橋橋之水一自天目之

陽出餘杭經德清會銅峴諸山水入定安門一自天

目之陰入苕溪薄城南入定安門二水合流橋下漫

衍為江子滙從臨湖門直趨太湖每春夏霖潦暴至

則深廣倍常故橋屢圯屢修比年來遂偃仆而不可

支矣景泰癸酉郡守謀及歸安令役工方興屬時饑

工遂輟天順改元河南邱侯來守如前工直俾裕其

力橋成三洞覆以砥石翼以闌石其高二十四丈立

紀其本末
以告後人

人依橋 萬曆湖州府志 府治東運河上唐元和間刺

史辛秘建以集商為市又建樓其上今呼花樓橋西

吳里語辛秘去任百姓懷之因名曰辛橋

倉橋 宏治湖州府志 在府治東舊名採蘋橋以其在

白蘋洲北後人因橋南有倉故名倉橋

沈尚書橋 崇禎烏程縣志 尚書沈介建故名張莊僖

公更新之

潮音橋 湧幢小品 慈感寺前橋曰潮音水清澈有蚌

浮水面吐珠人皆見之每風雨即有蛟龍來攫萬曆

湖州府志舊為潮音渡在府治南嘉靖十八年知縣

魏濟改建崇禎烏程縣志萬曆三十年忽圯知府陳

幼學重建

烏程縣 城外關梁

迎禧橋 萬曆湖州府志 即清塘橋在迎禧門外成化

九年知府勞鉞建 丁澄重建迎禧橋記 郡城西北出

十餘里溪之旁腴田沃壤未易以頃畝計溪之上有
橋一洞跨之蓋前人欲便往來者而作初不知其水
之難泄也故凡樹藝於田壤之間者屢遭災耗知府
勞侯相擇水勢平緩之處距橋之下流八十步撤其
舊而創構之其崇二尋羨二尺廣一尋羨亦如之表
亘五洞而施兩岸為等二十羨四尺橋之成耕者免
水患而獲豐登之利行者免厲揭
而無徒涉之憂利濟容有既乎

定安橋

宏治湖州府志即定安門外橋也俗名愈思

橋崇禎烏程縣志歲久洪水衝蝕知府陳幼學葺塘

治亭并新之易名定安

章喜植重修定安橋記茗溪出天目之陰東來與餘不前

溪北流水諸派合而入郡之定安門經帶包絡乎郡治則定安橋實其咽喉云太守筠塘陳公治郡之四年百廢俱興橋梁之修建如潮音橫渚鎖龍雲塘德武諸役靡不尅期以竣乃定安最後有圯徵矣倘將圯之弗慮大壞而後葺之後來者力尤不贍也於是鳩工庀材七閱月而告成是橋一名愈思傳疑莫考俗又呼為驛司因其近驛又沿愈思之訛而名之也郡志曰定安因從郡志之名而為之記

青塘橋

崇禎烏程縣志在迎禧橋北元至元初縣丞

宋文懿捐貲甃石明萬歷間知府李頤重修更名永

賴烏程縣志天啓間知縣馬思理修崇禎壬午知府

陸自巖重建

國朝康熙己未知府胡瑾重修易以石

德新橋

宏治湖州府志在舊館即高橋也正統間傾

頽里人陳孟暹重建有亭於上

馬要橋

嘉靖浙江通志天順間建烏鎮之水經其下

入於太湖

潘公橋

崇禎烏程縣志尚書潘季馴建

于慎行潘公橋記潘公橋

者今少保印川潘公奉其先贈尚書儼菴公之命而建也湖之為郡城於震澤之上苔書之水夾焉兩岸之間雨水時至歲有覆溺儼菴公戚焉嘗欲橋於二水之會以安里人而齋志以沒少保公每念之輒歔歔涕數行下也甲申之歸謀諸烏程令楊應聘楊曰輿梁之政職在有司請具畚楬以從公曰不然以里

門之有跋涉戚我先公豈其敢勤隸人以及父老繼志謂何祿賜之餘可以施者無敢愛也始於萬曆乙酉三月迨庚寅十月而成橋長百四十尺博二十尺先是楊君被徵且行日橋成名之日潘公郡人從之少保衍澤濟美以光前烈可謂永孝矣

國朝康熙十一年季馴曾孫弘成重修

百名橋 崇禎烏程縣志舊名通安橋以通定安門故名橋在南塘中內通村落數百故又名百名

八里店橋 嘉靖浙江通志景泰間建官塘河水經其

下東入昇山塘

與德橋

明一統志在府城東南九十里宋建元末重修

修

黃浦橋 吳興掌故妙喜寺前二十步橋南有亭為宋

鮑照送盛侍御及庾中郎賦詩之所石柱記箋釋水

自黃檗山出故號黃浦

鎖茗橋 烏程縣志茗水自南來至此一鎖北入昆山

前溪故名

國朝順治五年里耆方永春鄔天選等重建

望仙橋 崇禎烏程縣志在烏鎮五代時嘗有異人過

酒肆飲醉輒噴酒沫汚髭吻洒壁間結靈芝拂衣而

去追跡之至橋所忽不見故名

昆山渡 萬歷湖州府志在毗山溪通大錢港口

歸安縣 城外關梁

沙村橋 宏治湖州府志在崇禮鄉

仁壽橋 四通橋 歸安縣志俱在三都

璉市橋 宏治湖州府志瑯琊鄉璉市橋有八日西成

仁壽鍾吉連雲安齊東俊太平長慶

前溪橋 水西橋 鳳凰橋 萬曆湖州府志俱在二

十二都

虹橋 歸安縣志在十五都舊有嚴素菴還金亭嚴氏

烈女井

西吳橋 宏治湖州府志在長壽鄉

利涉橋 宏治湖州府志在八里店高跨大溪弘治四

年建

清風橋 明月橋 萬曆湖州府志俱在二十七都

東老橋 歸安縣志在三十三都 何桌題東老橋詩散

曾此躡晴虹一闌秋氣元洲霧兩岸春深赤水風鐵
笛已收明月下玉經還擲亂雲中仙家咫尺紅塵外
自是人間
路不通

望仙橋

望仙橋 歸安縣志在二十八都西吳里語因馬自然

登仙人望之故名

東林橋 宏治湖州府志在樂豐鄉

七里渡 歸安縣志知縣楊時秀設渡夫二名民不病

涉

長興縣

司馬關長興縣志去縣治南六十里出烏程地方達

妙喜

筋竹關長興縣志去縣治南六十五里出歸安地方

達武康

飛橋萬歷湖州府志譙樓前相傳葛仙翁在此飛昇

喜畫橋長興縣志縣治東北一里分箬流迤邐至東

南出光明橋為縣治翼沙兩岸竹樹菴映人稱小畫

溪

平政橋宏治湖州府志舊名廣利橋又名程氏橋長

興縣志宋邑令袁旦名廣利橋嘉祐七年葉斐重建

改今名元以長興為州故至今呼州橋

祥符橋萬歷湖州府志縣西街長興縣志在義和坊

俗呼打鼓橋

神武門橋萬歷湖州府志跨城東南濠嘉靖間知縣

齊之鸞重建改名望春齊之鸞重建望春橋碑記嘉

靖改元壬午全吳秋澇湖州

為甚於是邑東門橋圯予初至力弗及也旋以稅事

臨倉督徵居人駕木渡予月凡數易予曰是可久乎

乃謀諸富人得八十金又益以市租五十餘金取松

天目伐石武康徵工姑蘇督以耆俊緣以戒僧舉事

冬十二月訖工春三月於是東門橋偉然改觀矣舊

橋孔偏岸西舟上下不相見往往迎觸多墊沒今中

流為之隆其中沿以隄防衛以闌干蓋上可方軌下可並舟而行維暮之春出自東門而吾橋適成因合地與時而名橋曰望春作望春橋記

震龍橋 萬歷湖州府志便民倉前一名倉橋嘉靖四

十六年知縣歸有光創建

起龍橋 長興縣志縣治東三里俗稱喜郎廟橋

國朝康熙三年重建

許公橋 長興縣志縣北四十三里顧渚山明月峽下

舊傳顏真卿與客步月賦詩宴飲因名夜橋宋邑令

許遵尤嗜山水每遇佳辰率携賓從造顧渚往來不

厭重建此橋故名俗呼顏板橋

觀卜橋 宏治湖州府志在陸滙龜蒙有詩云最愛卜

峯顏色好晚雲纔散便當門故曰觀卜

甫里橋 崇禎長興縣志陸龜蒙別業在此故名弘治

湖州府志一名陸滙橋

姚家橋 宏治湖州府志在縣南十五里跨鴈翎港宋

時大學士姚祐建

德清縣

通濟橋 萬歷湖州府志縣治前舊名代輿德清縣志

草又名通津宋淳熙間縣令楊思濟改今名明正統間

知縣王敬完修復更名永安今但呼縣橋

國朝雍正九年知縣錢學洙捐俸重葺更名富寧自為記

阜安橋 嘉靖浙江通志縣南三百步餘不溪經其下

北入於太湖德清縣志唐天寶中建初名天寶唐末

燬宋宣和間知縣趙喁改建木橋名曰餘不淳熙間

易為石護以欄楯參政李彥穎取蘇文忠公風俗阜

安之語改今名 西吳里語宋淳熙中有錢三翁者衣

衲翁時德清建阜安橋屬主其事謂其徒曰翌朝有

餽醬謹視之明日果有青坡村民獻醬二甕探之得

銀二笏以充橋費人異其前知嘗摩挲橋曰此可過

五百年寶慶丁亥秋震風霖雨民廬寺觀多壞此橋

屹然中流 片瓦不搖明宏治間大圯知縣王良臣修正德末年

通判姚奎修又圯知縣李蘖修隆慶二年知縣陳宣

修萬歷十三年知縣陳效大加修葺壯麗較倍於昔

國朝康熙年間知縣馮壯因圯修建 德清縣志

大虹橋 萬歷湖州府志在龜溪東相傳建此以鎮蜃

尾 德清縣志三十六年知縣陳效大加修葺壯麗較倍於昔

龜廻橋 德清縣志在內河孔愉放龜於此龜廻而

左顧因名 德清縣志

國朝雍正五年知縣朱永齡奉文領帑重修橋內地勢窪

下溪漲時必須用板圍住以護民田 德清縣志

野橋 德清縣志在縣北慈相寺上跨古澗下瞰方沼

羣峯環秀古木覆蔭為龜溪八景之一 沈宗元野橋詩濠上鯨魚

樂石梁瀑布新何如野橋雪恍見武陵春曲澗
虹朝飲危闌虎夜蹲上方雖咫尺到此坐逡巡

平政橋 萬歷湖州府志縣東一十五里當杭湖往來

之衝德清縣志宋嘉定間建後廢明正德間重建又

廢

國朝康熙十二年鼎建

步雲橋一名白雲

萬歷湖州府志平政橋南為本縣津候

之地德清縣志明萬歷三十六年知府陳幼學重建

更名雲塘

國朝雍正八年總督

臣

李衛重修

李衛重建步雲橋記德清縣東南步雲橋江浙

往來取道湖屬者所必經陸通行旅水利舟楫邑之漕艘出入由是隣近州縣率履不越不獨一邑之便

實通津焉明萬歷丁未郡守陳幼學重修去今百二

十年不知地於何時陸行既阻其駕長風縛巨帆者

溪流迅駛下復有壞椿舊石誤觸致損過者恒惴惴

橋之廢其不便亦不止一邑也歲庚戌署縣事錢學

洙詳請重建予奉

天子命節制江浙凡橋梁津渡堰閘塘岸其有便於民率

不憚修舉矧茲去不便以就便澤梁不修刺史之過

與其償租車何如一舉而永利也爰檄湖守唐紹祖

為之經理而令太學生茅瀚董其事經始於是冬十

二月閱十月而告成較舊址加廣高稱之向之壞椿

舊石沉於淵者悉起佐用而增以新材良工堅役不

及民計用帑金一千一百兩有奇而工竣今而後水

陸俱便凡江浙往來取道湖屬者皆得出於其途矣

豈止為一邑利哉步雲橋舊名也雲塘前陳守重修

而易以新也橋廢久而俗之名橋者仍其舊

予亦順民之便而已為作重修步雲橋記

三登橋 明一統志在縣東北四十里宋袁說友張巖

王大有皆寓居此相繼登第里人榮之故名

菩薩橋

德清縣志在新市鎮相傳昔溪漲忽一巨木

橫於橋下羣視之畧似大士像命工刻成之今覺海

寺長觀音是也張敏叔詩云野橋橫渡木觀音因名

望仙橋

德清縣續志卽大麻高橋始建無考明成化

三年重建歲久圯

國朝雍正九年知縣錢學洙詳請重建

程元章重修望仙橋碑記王政之大

務在利民昔鄭子產乘輿濟人子輿氏以爲不知爲政蓋卽濟人一事而徒枉輿梁固有所當務焉余曾任總藩於僚屬謁見輒以此諄勉迨陞撫上江未及兩載復荷

殊恩

節制全浙入境至德清之麻溪溪故有橋曰望仙因

年久坍塌毀邑令錢學洙詳請前部院撥項興修經湖郡守唐紹祖總理規制高廣工料堅固視昔有加予

日擊焉既下車錢令以橋工告竣請爲之記余按是橋也地屈官塘爲漕艘出入所必經吳越行旅往來之要道其創建之由已莫可考舊記自明成化三年

里人沈本源創捐修葺歷今又二百六十餘載石既傾圯梁亦頽壞舟楫有觸石之虞商旅有褰裳之慮

守茲土者宜亟爲整葺方稱厥職乃錢令請勸公項銀一千一百六十兩有奇不期月而成此鉅工無俟

聖天子宵衣旰食軫念元元凡在臣工勤勞翼贊庶績咸

熙而百廢具新利民之務又豈獨區區橋梁道路間乎爰誌其事而並與爲政者共勗之

狀元橋

萬歷湖州府志在新市鎮以宋吳潛及第故

名

武康縣

姚塢關

武康縣志在縣北三十里青山嶺下

千秋橋

萬歷湖州府志縣南三國黃初間建武康縣

志明洪武二年知縣李大春重建正德十四年圯嘉

靖二十年知縣廖暹三十五年知縣余榮相繼重修

余榮千秋橋碑記千秋橋之水發源於西境諸山合流數十里至縣而始大橋梁不建每春夏間洪水泛漲衝激人咸以為危於是耆老相與謀曰盍聚貨建橋以為百世之利乎遠近應之者有布有帛有金有粟約計錢五百餘緡以為鳩土石材葦之資策日繕工邑宰主其事者始於陸繼以廖裁其事者分巡道艾公譚公歷六七載而工始告畢橋分六洞深四尺長四丈濶一丈七尺與桂枝橋東西對峙始號官橋今新以千秋欲鞏固不朽為武康千載之利也

碧泉橋 武康縣志縣北一百八步宋宣和三年知縣

朱容建

國朝康熙十年知縣馮聖澤重建

迎恩橋 萬歷湖州府志俗呼湖橋武康縣志縣東一

里宋乾道八年建

桂枝橋 嘉靖浙江通志在縣東一里宋紹興間建餘

英溪水經其下入於太湖武康縣志明洪武六年知

縣張居敬重建宏治間圯嘉靖十年知縣張憲重建

唐樞重建桂枝橋記桂枝橋跨餘英溪舊枕儒學故名桂枝肇於宋紹興十三年范尹普修於國初洪武六年張尹居敬茲廢五十餘年砌具盡失正德十年大學士桂萼欲撤湔祠新之值內艱不克事繼尹是邑今主山西司刑事張憲守之乃嗣成焉制分六洞深三丈長三十六丈濶一丈六尺經始嘉靖七年正月落成九年八月監護乃事者詹丞化繼之者宋天丞瀛王典史景嚴民姚呈等若干人咸任奔走焉
啓聞知縣賀鼎重建

蔡公橋

宏治湖州府志宋知縣蔡霖建武康縣志縣

北二里

國朝康熙十一年知縣馮聖澤重建

黃山橋

嘉靖浙江通志在縣東北一十里宋紹興間

建武康縣志明洪武六年知縣張居敬重建嘉靖九

年圯十三年縣丞宋瀛建

國朝順治年間圯復建

望仙橋

武康縣志縣南十八里元皇慶間建明洪武

間僧淨目修

衆善橋

嘉靖浙江通志在縣東南二十里宋景定二

年建

通濟橋

武康縣志縣東南二十二里宋嘉祐間邑人

楊福建

國朝順治九年僧通濟同邑生姚宏明募助重建

壽昌橋

嘉靖浙江通志在縣東二十五里武康縣志

宋咸淳間邑人姚智建

安吉州

獨松關

廣輿記在獨松嶺上名勝志宋建炎三年金

完顏宗弼自安吉進兵過此嘆曰南朝可謂無人若

以羸兵數百守此吾豈能度哉

謹按山自天目而北重岡結澗迴環數百里獨松嶺時其中路險狹東南則直走臨安西北則通安吉趨廣德為江浙二境步騎爭逐之交唐武德四年李子通據餘杭杜伏威將王雄誕擊之子通以精兵守獨松嶺雄誕遣別將千人乘高據險逼之多設疑兵子通通走宋建炎中兀木自廣德趨臨安亦過此關德祐元年以元兵漸迫遣將列戍要害命羅琳戍獨松關元將阿刺罕自建康分兵出廣德四安鎮犯獨松關遂陷之臨安震懼其與獨松相近者又有百丈關在百丈嶺上幽嶺關在孝豐縣東南三十里幽嶺上謂之獨松三關元至正十二年徐壽輝將項普畧等屢犯杭州攻獨松百丈幽嶺三關董搏霄擊之以兵先守雙溪雙溪者三關要路也既又分為三軍一軍出獨松一軍出百丈一軍出幽嶺然後會兵擣賊巢遂乘勝復安吉又進克廣德平徽州蓋自昔為險要之地矣

中治橋

萬歷湖州府志州治前

登雲橋

萬歷湖州府志學宮前

北川橋

嘉靖浙江通志在拱辰門外

伍餘福北川橋碑記浙水自天

目下為廣苕泖沮湖歷陳安七渡始抵沿干為桃城即今職方氏號安吉州者是也州匝萬山獨一川北折而東或秋雨大至城圯者每懸魚鼈憂深不可渡故橋焉橫亘北川上歲久圯矣吳封君州人也屬命石工以壬辰秋八月起事閱半載厥功告成予按浙西水利單鐸論之首以天目一派為宗其源遠其流長盈科則行行至雲川則四水激射之湧為苕溪出震澤歸崇明靡有底極其扶危拯溺之功蓋自桃城始可無書乎封君名松字壽卿

白雲橋

嘉靖安吉州志一名秦公秦公敏者檜之父

也曾為主簿於此建之後更名白雲惡檜以及其父也

萬灣橋

萬歷湖州府志在定安鄉

國朝康熙九年知州曹封祖重建

聖棠橋 樂平橋 萬歷湖州府志俱在梅溪鄉

并全橋 安吉州志初名浮塘橋明崇禎元年知州孫

幼孜觀回之五日大水漲柴舟觸斷橋三柱議修之

至七日後神工修成十里外聞斧鑿聲近則不聞其

柱復合不失尺寸遂祭告立石紀之更今名

國朝康熙九年知州曹封祖重修

萬埭橋 安吉州志在安福鄉

國朝康熙九年知州曹封祖重修

龍灣橋 桐木橋 萬歷湖州府志俱在晏子鄉

孝豐縣

幽嶺關 孝豐縣志縣東三十五里餘杭界

謹按幽嶺關獨松三關之一也有幽嶺水流為碧溪
東北入於苕溪又有烏山關在縣南五十里與臨安
縣接界郎採關在縣西南三十里與於潛縣接界皆
為設險之處又縣西七十里有唐舍關西南六十里
有孔夫關皆接寧國縣北四十里有苦嶺
關西北五十里有五嶺關皆接廣德州

迎恩橋 宏治湖州府志在縣治東北知縣楊達建

嗣濟橋 孝豐縣志威鳳門外第一橋耆民漏守功捐

建

鳳凰橋 嘉靖浙江通志在縣東一里孝豐縣志鳳凰

山下居民夏蘭修

白慈橋 孝豐縣志 縣西北五里傍有觀音堂

沿干橋 萬歷湖州府志 縣北靈奔鄉達安吉州

龍溪橋 孝豐縣志 施文相助田有碑吳啓新漏守功

等助建 孝豐縣志 縣東北二十里

插虹橋 孝豐縣志 上下二座縣東北二十里

結絕橋 後干橋 汪王橋 萬歷湖州府志 俱在縣

西南廣苕鄉

五山渡 孝豐縣志 縣東北靈奔鄉為豐邑要津明知

縣郭治編筏以渡遞舉遞廢萬歷庚子知縣黃朝選

置船以渡

寧波府 鄞縣附郭

平橋 成化四明郡志 縣治西南舊名四明橋有亭唐

太和三年刺史李文儒建燬於宋建炎之兵乾道五

年守張津重建嘉定十三年亭廢開慶元年守吳潛

於亭之北橋之西立石為水則故改今名

昇平橋 嘉靖寧波府志 四明驛東一名憧憧東橋成

化四明郡志建於宋天禧五年轉運使陳堯佐題名

嘉祐間守錢倚修乾道五年守張津重建有亭今廢

尚書橋 成化四明郡志 縣治西南舊名澄清橋一名

憧憧西橋建於宋天禧五年轉運使陳堯佐題名嘉

祐間守錢倚修乾道五年張津重建有亭今廢明天
順八年守張瓚為司寇陸瑜立坊改今名

袞繡橋

鄞縣志以史彌遠有袞繡坊故名又名感聖

橋以其地舊有保聖崇教二寺今呼水仙廟橋因其
在廟側也

錦里橋

成化四明郡志縣治西南舊名五馬橋鄞縣

志竹洲之西宋學士趙彥逾宅此又曰五馬街以彥
逾嘗典鄉郡也俗呼莊衙漕橋者即其故址

渡母橋

成化四明郡志縣治西一名純孝橋因地有

董孝子祠故名宋天禧五年建有亭久圯乾道五年

守張津重建紹定元年守胡桀修元至正間邑人謝

巖崖重修

水月橋

成化四明郡志縣東南延慶寺前

舒亶題水月橋詩長

空瑩如磨平湖淨無滓萬里夜寥寥清光墮寒水松
風吹更圓沙鳥睡不起徒勞野猿捕謾作元珠比相
對倚朱欄時有逍遙子

桂芳橋

鄞縣志東達大街西達長春道院成化四明

郡志宋高閎兄弟五人皆登科第故名

鄞縣

城外關梁

東津浮橋

名勝志舊名靈橋跨鄞江上唐長慶三年

刺史應彪置凡十六舟巨板其上長五十五丈濶一

丈四尺初置東渡門外江濶水駛不克成乃徙今地
 方經始時雲中有虹映其上眾咸異之名橋曰靈現
 又曰靈建今東城門以靈橋名蓋謂此成化四明郡
 志太和三年刺史李文儒僖昭間刺史黃晟宋開寶
 中守錢億乾道中守張津慶元中守林太中嘉泰元
 年守陳杞嘉定四年守程準十六年守趙師昂寶慶
 二年守胡榘皆新之元至元二十八年廉訪使陳祥
 造船十有四始治鐵聯貫為巨纜鄞縣志至正二十
 年江浙省平章方谷珍再造明洪武二十七年郡人
 黃功廓建言增設船二隻僉民七十二戶守之正統

八十四年守陸奇重造維以鐵經

陸瑜重修東津浮橋記正統九年陸公奇

知寧波府下車之初恤民疾苦簡其征徭計修東津
 靈橋之費下可猝就督戶粗為具於是捐祿入積繼
 餘同寅相謀乃於去年冬命耆民經治伐大石架橋
 首各樹石柱二造排棧十有一遣人於錢塘擇木為
 舟二十價廉工省數月事集每岸維一棧扶一舟餘
 如故制為九扶偶肩聯櫛比中實巨枋蔑纜相維可
 於深淵旁加欄楯夾貫鐵繩紐組石柱鉤圍中縮備
 開合蟬聯虹跨隨潮汐上下規制華壯徒御安行又
 作石亭三楹為守夫過客寒暑
 風雨之庇其惠下之仁溥矣
 成化二年守方達更

置嘉靖間邑令劉宗仁徐易郡守張正和周希哲皆
 修之未久即壞厥後每遇損壞僉報富戶數人承管
 修造工成有司優獎榮以冠帶謂之江橋大戶膺其
 役者甚苦之

國朝順治間知府楊之柄詳定每里輸銀二兩五年一徵
官為修造迄今遵守

高橋 明一統志在府城西南二十五里成化四明郡

志宋元符元年建建炎三年金人犯境張俊帥諸將
戰於此橋時諸將戰功凡十有三而高橋之捷為第

一橋西有循王祠寶祐四年丞相吳潛重建明天順
六年里人章智聰重修

鄧山橋 成化四明郡志縣治東三十里屠僑鄧山橋

里野市鄧山橋廢壘官奴縣殘碑至正朝青山
初欲暮秋水未全消塊北風烟裏扁舟思寂寥

八字橋 成化四明郡志縣治東南三十二里

百梁橋 嘉靖浙江通志縣西南五十里嘉靖寧波府

志舊名小溪江橋宋元豐元年建長二十八丈四尺
屋其上紹興十五年邑人朱世彌世則重建

洞橋 鄞縣志南達百梁橋北抵它山路成化四明郡

志舊名高橋宋元符元年建紹興三十年鄉人朱世
則重修嘉熙年間圯元庚申年間盛居士重建覆瓦

屋七間長七丈濶二丈歲久傾圯明天順七年鄉宦
趙政重修

元貞橋 嘉靖寧波府志縣西南五十里元貞元年里

人王子明建成化四明郡志明永樂元年鄉人江心

源重建天順八年郡守張瓚重修

惠明橋

成化四明郡志縣西南五十三里宋隆興元

年鄉人朱羣建後圯續置平石橋於其北今名備橋

明正統四年郡守鄭珞命郡人謝務本鄉人胡延觀

重建

清關橋

天童寺志在萬工池東南岸入寺則稱第三

關出寺則為第一橋

北渡

延祐四明志甬水門南二十五里往奉化路蓋

奉化有南渡故以此為北也

許渾曉發鄞江北渡詩
南北信多岐人生半別

離地窮山盡處江汎水空時露曉蒹葭重
霜晴橋袖垂無勞促歸楫千里有心期

西渡

嘉靖寧波府志縣西二十五里即西江渡

陳著入京

到西渡詩昨宵北渡今西渡係是離家第二宵詩伴
風流勤犯驛權郎醉飽健迎潮文亭浦近鄰州接筆

架峯迷故里遙得意歸來
期可數榴花如火照高標

慈谿縣

麗澤橋

嘉靖寧波府志縣南舊名第一橋建亭其上

後改今名以東西兩水相合故也

福聚橋

成化四明郡志縣南舊名第二橋元至順三

年建上有亭至正三年僧覺蓮改建圓通寶閣邑簿

白桂易今名慈谿縣志明永樂二年重修上有大士

像俗呼為觀音堂今圯馮氏重建

平政橋

天啟慈谿縣志縣南舊名第三橋宋宣和末

邑令沈時升政平訟理民稱其賢以名其橋成化四

明郡志明永樂十一年鄉民哀貲建亭其上

驄馬橋一名御史

明一統志在縣治南輿地紀勝晏公類

要云慈谿縣有驄馬橋房瑄所立以其自御史拜因

名成化四明郡志宋令于存增蓋亭屋

王說建驄馬橋記慈谿之

南橫亘大江有二橋其東曰驄馬者唐相房瑄始建歲祀浸遠規模畧存圯而不完行者告病治平紀號之三載祕省于君來治蒞事之明年邑民顏霸等數四造庭狀斯橋之壞君然其請命工之日授以機智孟夏興作至仲秋厥工告畢焉其西曰大寶者因山為名制作非古寢亦圯壞以其美材易而新之從民志燬於建炎之兵紹興乾道間令張光陳壽彭相繼

修建元大德間復燬至大二年簿曹傑易之以石至

正六年簿白桂增置石欄重建二亭於橋之南北南

曰凝翠北曰通關歲久亭圯慈谿縣志明天順二年

令賈奭為都御史王來立坊更名都憲橋

德星橋

成化四明郡志縣治西南一里永明寺之南

上有屋三間南北構亭唐貞觀三年建以其近大寶

山名曰大寶橋宋熙寧元年令于存修建炎兵燬紹

興乾道間令張光陳壽彭相繼修建尋改永明開禧

二年令趙希觀始易今名紹定四年僧法開增建屋

八間歲久俱圯明洪武十八年鄞人李大方重建

夾田橋

嘉靖寧波府志縣東南五里宋皇祐二年令

林肇建成化四明郡志燬於建炎兵紹興八年令林

公定重建歲久傾圮開禧元年令趙希觀鼎建改名

開禧慈谿縣志明永樂中道士曹秉中重建將圮天

啓元年令李逢申重建

李逢申重建夾田橋記縣治東南舊有夾田橋久圮予初

令慈廼與諸父老約曰石梁載造務在得人僉以耆耇能慧而任事者嵐剝羅學楨及耆韓山僧道緣等

可遂令聚材鳩工爰度水勢計避淙齧所布椿木凡長短疎密各如其度其經費不足者時時酌處繼續

之於是纍而爲址舒而爲堤敞而爲門跨洪波而爲梁工始於萬歷庚申八月以天啟甲子某日訖工高

五丈五尺長二十丈廣若干尺築堤左右各二十丈車馬擔負樵採攜挈懽呼往來人知成之便而不知

成之難也是用記之以告後之紓民力者

環碧橋

天啟慈谿縣志在縣西三里邑之水自東來

者抱城而西自西來者從鵬山直走大江奔瀉無情

乙巳年令潘汝楨從士民之請於城西一里外河口

築堰建橋於堰之北濬鵬山河引水歸堂自西注東

出繞大江而西甚合形家之論令以遷召行小船戶

裝載者以其迂迴不便乘夜鼓衆掘堰遂廢成勞

國朝康熙年間重築

太平橋

天啟慈谿縣志縣西南五里嘉靖初建萬曆

壬午重建

徐一忠太平橋詩寥廓江天玉蝀懸憑闌秋色正蒼然行行塞雁排空度片片沙鷗

傍渚眠客子吹簫明月夜漁翁罷釣夕陽天白頭何意還題柱長嘯干松生紫烟

桐橋 慈谿縣志在縣西五里 桂埕桐橋詩辣榭山頭大港西幾家門逕自成

蹊馬蹄霜冷石橋滑
殘月半墻鷄亂啼

慶安橋 慈谿縣志縣東南十五里

國朝康熙五十四年知縣樊琳新建

無擇橋 成化四明郡志縣西二十五里因唐孝子張

無擇負土廬墓日所建鄉人故以是名俗呼為吳石

橋蓋聲之訛也

鮑約橋 成化四明郡志縣東北二十七里世傳五代

末鮑侍中約嘗居此故名俗呼為白藥橋

丈亭渡 延祐四明志在縣西南五十里 陳著泊丈亭詩丈亭亭下

浦艤楫又終朝船聚市聲襍風生江氣驕
行未百里已涉第三潮去住向誰問鷺飛雲影飄
陳造丈亭詩

潮生徒倚纜容一炊許潮信曾何頃刻差固應作意

憐行客為誰東去為誰西酌酒慙勤酌河伯
于淮丈亭渡詩出縣四十里西來是丈亭江分三派
白山拱

兩邊青遠樹雲間鳴香浦雨後汀舟人候潮至飯罷即揚舠

太平渡 嘉靖寧波府志縣西南五里西港口宏治間

置錢文薦太平渡詩獨行空江來江上無人識
牧笛留殘響歸鳥帶暝色潮落平沙聚風低飽帆仄谷

口問桃源深淺誰可測

嘉會橋 嘉靖寧波府志縣治南舊名縣橋俗名杜家

橋成化四明郡志宋太平興國八年建宣和中令周

因立亭於上建炎間燬元延祐七年知州馬稱德重建今亭廢橋存

文昌橋 嘉靖寧波府志縣北二百步舊名元家橋先用木至正中易以石成化四明郡志明宣德十年宋

琰題今名

慶登橋 明一統志在縣東三里奉化縣志宋元嘉中

令謝鳳置舊名謝鳳橋宋淳化二年重修改加中令

周因立亭其上名豐樂紹興中改今名咸淳中令劉

應得增左右亭以翼之明天啟中亭圯

國朝順治間知縣王與砌石為臺覆以屋供文昌其上翼

以二亭

惠政橋 成化四明郡志縣東北四里舊名善勝又名

通剡宋乾德間建大觀間架木為梁覆以瓦屋易今

名奉化縣志建炎間燬於兵令杜綰仍結木紹興初

令趙于昭重建 趙敦臨惠政橋記縣之水發源於連

山鄉之鎮亭踰市而北達於鄞江有

橋跨其上實為交易往來之便舊榜之日惠政建炎

庚戌橋殘於燎前令杜綰結木僅免病涉明年復壞

後令趙公蒞任謂橋不修令過也歎然不憚者累月

邑之富人相謂曰此可愛吾財而不能成一橋以戚

吾賢大夫翁然輸金釀財鳩工自仲秋之戌申卒季

冬之辛巳而橋成公從賓佐來觀勤苦父老相視顏

開咸謂惠政之名今不 七年燬令榮葬重建後鄉士

虛矣因屬予紀其事 汪伋議易以石與弟份首捐錢以倡之令錢光祖既

經其始趙彥縮繼之乃克有成下為雙洞上有小洞
 以泄怒水兩旁護以石欄嘉定中令馮多福以石甃
 兩堤及下木榷亂石以窒於底洞石有詩刻云鑿開
 峇壁玉稜增疊作溪
橋兩洞成影落波心雙月合光含石眼一星明鰲頭
 近接東西市鯨背平分南北程須信巨川從此濟區
 區溱洧
 浪傳名 明成化二十二年圯正德七年令陶麟命僧
 人募建上覆以亭萬歷間屋燬崇禎間邑令胡夢泰
 捐俸募修又燬

國朝康熙五年知縣張奎引延僧行純重建

仁濟橋

嘉靖寧波府志

縣東五里新婦湖上名新婦

湖橋又名放生湖橋宋紹興中建覆以屋後圯邑人

汪俊重修元至元間燬大德中監州察罕立石柱重

建未竟受代僧博繼成之

西溪橋

嘉靖浙江通志

在縣南十里奉化縣志跨西

溪上向架木柵作橋水漲輒浮民甚病涉天啟間邑

人孫若思捐貲鳩工以石板易木柵復置田若干畝

為修葺計往來者便之

南渡橋

成化四明郡志

縣東北二十里又名廣濟橋

宋建隆二年僧師悟始創土橋後易以木紹興元年

鄉人注汲甃兩岸立石柱亘板其上覆以瓦屋元至

元十三年燬至正二十一年簿盧震龍增建屋一十

五間又翼以南北二亭嘉靖寧波府志明洪武中縣

丞喬鑑重修奉化縣志萬歷間燬天啟間鄉紳何如

禮重修張時徽南渡橋詩路出青山峽雲移碧水艤

新蒲沒洲渚斜日到村家林暝烏翻樹潮來

光德橋嘉靖浙江通志在縣北二十里成化四明郡

志俗名江口橋宋李珂建後為洪水所圯嘉靖寧波

府志紹熙三年李氏重修汪伋贊其役通水九道上

覆屋二十六楹元至元十三年燬十九年李以垢等

立石重建蓋屋二十一間明洪武十年重修正統十

一年知府陸奇命道人李存誠建正德末風水大作

橋壞將半里人重修

大埠石橋奉化縣志縣北三十里嘉靖寧波府志舊

名源泉橋又名泉口大橋鄭復言大埠石橋記縣治

北有地曰泉溪散漫四十

餘丈古無橋創自宋治平四年由宋迄今屢修屢廢

行者病涉卑之民相與自於官邑侯裴琚允其請起

工於永樂辛卯之正月里人戴邦彥竺大錢大總孫

惟堯輩各捐已貲盛召工役以集厥事里閭聞者莫

不悅助遂落成於壬辰之九月規模氣象煥立雄壯

視前之功不啻十倍由是往來於此者若履坦途靡

不踴躍稱快云

湖頭渡 成化四明郡志縣東一百二十里舊名田下

渡

鎮海縣

定海關 嘉靖定海縣志在南熏門外

國朝康熙二十四年重設

嘉定橋 嘉靖寧波府志縣東北鼓樓前

橫帶橋 鎮海縣志縣治東北一名尚書橋兵部尚書

邑人邵輔忠建吏部郎中奉川戴澳題

善慶橋 嘉靖定海縣志縣治西北今名總鋪橋

大有橋 鎮海縣志向係堰基初設小橋明崇禎丁丑

冬邑令張琦改建名大有後圯

國朝康熙九年知縣王元士重建

長山橋 成化四明郡志縣東南二十里洪武間

新復榮建鎮海縣志即小浹江橋成化時海道朱紳

楊瑄相繼建石梁萬曆丙申秋大潦梁塊皆隨邑令

丁鴻陽朱一鶚先後葺成之董工者丞陳懋齡也

忠長山橋記長山橋倡始於成化辛卯海慈木公繼

歲於楊公填闢歲久萬曆丙申秋大濬梁塊南塊

先施司甲以告邑令丁侯侯即令民做成化故事募

錢若干名以公給木及為而侯適以艱去己亥春閏

歲朱侯至廉具疏遂進陳君謂之日不一勞者不久

遂不計費者不事於是鳩工伐石經始於萬曆己

亥落成式宜濟江南北長二百武廣十有二武

上築長橋下置五門其南塊十武斃石井通山源亦

國朝順治戊戌海寇從穿山登陸橋毀行者復病涉康熙

戊申知縣王元士建議重造僧人募錢葺石邑貢生

謝泰履捐金倡之逾二年告竣

虹橋 明一統志在縣北一十里嘉靖定海縣志又名

義慶橋

太公橋 鎮海縣志在靈巖鄉地名中央岸有田數十

頃四面環水農民病涉謝瀚捐貲建橋鄉人德之因

名太公橋

崇孝東橋 崇孝西橋 嘉靖定海縣志二橋乃周德

建因其事母孝故名

新橋 鎮海縣志在石秋竹山舊有石橋後圯

國朝康熙六年知縣王元士重建

大狹渡 至正西明續志在縣東南一里嘉靖定海縣

志即大狹口為水關屯泊舟師遺

蘆浦渡 嘉靖定海縣志縣東五十里至正西明續志

乘半潮可抵昌國州

乘半潮可抵昌國州因州州人

縣東登 成化西明郡志縣東半里宋景定三年置

承安橋 嘉靖寧波府志即西橋跨鳳溪而鎖玉帶一

邑風氣之關也

迎恩橋 象山縣志縣治西南一里舊名南橋以築城

以毀明嘉靖三十三年毛令德京重建改今名

風橋 嘉靖寧波府志 縣東北三十里有仙巖金峯之勝

海日橋 嘉靖浙江通志 縣東北二十里海潮汐經其

下象山縣志明宏治六年鄭令琳建嘉靖三十四年毛令德京重修

歐陽橋 象山縣志 縣西四十里舊名儒雅洋橋同知歐陽懋署縣事重修因改歐陽橋

太平橋 嘉靖寧波府志 縣東北四十里洪武三十四年倭賊登劫湯舉錢倉千戶易紹宗率兵殺賊於此被害其裔孫易寧易顯乃於死節之處壘石為橋號

曰太平識其殺賊安民之功也

它山橋 象山縣志 縣南昌國衛治東明嘉靖二十三年倭寇臨境拆橋以葺城垣賊破城後眾謂此它山風水毀橋所致萬歷三十五年里人應朝佐劉暉張

明奉重建

南關橋 嘉靖寧波府志 縣南九十里邑人侍郎俞士吉奉命諭日本於此發舟因名正德間廢義官王玉

重建

陳山渡 至正四明續志 縣東北二十五里自陳山發船經兩潮至奉化州東宿登岸

定海縣

舟山關

成化四明郡志城南舟山渡邊

碇齒隘

兩浙海防類考續編與外港相對嘉靖間累

被倭賊登劫

謹按碇齒隘在舟山所西五十里明嘉靖中為戍守要地總制胡宗憲擊岑江賊分軍出此時賊黨有據烏沙懸山者宗憲策其必與岑港寇合陸路則設伏於碇齒水路則設伏於響礁門賊果由二路奔沈家門寨合於岑港官兵討平之

監橋

成化四明郡志在城南宋熙寧元年建紹熙元

年令王阮新之

狀元橋

嘉靖寧波府志翁洲舊名昌國縣洪武二十

年省入定海縣其地故有狀元橋未知所自邑人張信適生橋之所至二十七年信舉狀元及第始符橋名或云宋紹熙三年令王阮立刊其兩旁石闌云人從橋上行狀元此時生遂以名橋

大余橋

定海縣志宋丞相余天錫建

小余橋

定海縣志天錫弟兵部尚書天任建

東江橋

明一統志在縣東五里定海縣志宋明道初

文亮自開封徙居創建

五龍橋

定海縣志在五條蛟中故名郡廢夏國正建

曉峯橋

成化四明郡志在滄洲宋淳熙十五年西監

監鹽鮑渭修大之派志亦會所宋寧宗十一年西

大士橋 普陀山志在湖音洞上留青日札曾德韶斃

石橋宋寧宗題曰大士橋佛書所謂海崑孤絕處是

東也 劉仁本大士橋詩金碧玲瓏塔影雙綺霞香霧濕

陳德敏人織浪為華蓋龍女持珠獻寶幢震海風
音音縹緲瀾山潮汐響春撞願求
現示將軍相一鼓羣魔盡攝降

舟山渡 延祐四明志去縣五里趨城山此塗出令趙

大忠創隄岸

勅修浙江通志卷三十五

勅修浙江通志卷三十六

關梁 四

紹興府 山陰會稽
二縣附郭

府橋 寶慶會稽續志在鎮東軍門外蓬萊館前舊以

磚甃不能堅久守汪綱盡易以石闌干華表加飾護

焉焉橋既寬廣翕然成市遂為雄觀

拜王橋 嘉靖浙江通志在府西獅子街唐末錢鏐平

董昌郡人拜謁於此至朱梁時封吳越王故橋以拜

大王名萬歷紹興府志又名登瀛橋

國朝康熙二十八年知府李鐸重修更名豐樂橋

王儀橋

山陰縣志在縣南一里

大夫橋

玉壺冰張志和築室越州東郭陳少游表其

居曰元真坊先是門阻流水無梁少游為構之號大

夫橋

清道橋

於越新編在府東二里軒亭南山陰接界白

貨會集

鯉魚橋

山陰縣志在縣北二里許宋時浙東貢院故

址

宏濟橋

嘉靖山陰縣志在火珠山下本名火珠橋嘉

靖間郡守南大吉名寶珠橋後守湯紹恩重修改今

名

光相橋

山陰縣志在縣北三里許

北海橋

於越新編在府西北二里俗傳唐李邕寓居

之地宏治紹興府志元至正間義士余清建

謝公橋

嘉泰會稽志在新河坊以太守謝公所置故

名

國朝康熙二十四年重修

江橋

明一統志在府城內西北太平寰宇記宋江彪

所居之地因名

斜橋

宏治紹興府志在府治東北其下多客邸舟楫

往來所集

狀元橋 萬歷紹興府志在府東南四里宋詹驥所居里也

題扇橋 紹興府志在戢山之南紫桃軒又綴右軍爲

戢山老姥書扇今紹興郡城有題扇橋 晉書王羲之傳嘗在戢山

見一老嫗持六角竹扇賣之羲之書其扇各五字姥初有慍色因謂姥曰但言是王右軍書以求百錢姥如其言人競買之他日姥又持扇來羲之笑而不答

卓貌橋 萬歷紹興府志在府東北嘉泰志云舊傳此

地在州城外俗謂征稅之所爲貌

大雲橋 山陰縣志在縣東南四里

國朝康熙五十年重建

都亭橋 嘉泰會稽志在城東禮遜坊越絕云泰始皇

東遊之會稽以甲戌舍都亭都亭之名始此

鏡水橋 於越新編在府東四里宋趙處士仲微所居

探花橋 山陰縣志在縣東北五里會稽縣志傍有小

橋曰田家橋

鍾離橋 宏治紹興府志在城東漢鍾離意所居

大善橋 山陰縣志在縣東北二里有大善寺故名

廣寧橋 於越新編在都泗門內明隆慶中漸圯華嚴

寺僧性賢重修 嘉泰會稽志漕河至此頗廣民居鮮少獨士人數家在焉紹興中鄉先生

韓有功復禹為士子領袖暑夜與諸生納涼橋上有
功沒宋龔封元宗追懷風度作詩云河梁風月故時
秋不見先生曳杖遊萬壑遠青愁對起一
川漲綠淚爭流蓋橋上正見城南諸山也

鄉橋 萬歷紹興府志在縣治東北俗謂朱買臣還鄉

故名會稽縣志又名香橋陸放翁種梅於此故名其

旁尚存梅園術至元時勞義士新之隆慶間錢守愚

重修

國朝康熙八年陳伯嘉重修東四里宋歐陽文忠公

望花橋 紹興府志在府學前嘉泰志云其地多藝花

為業蓋宋時然

春波橋 寶慶會稽續志在縣東南五里千秋鴻禧觀

前賀知章詩云離別家鄉歲月多近來人事半消磨

惟有門前鑑湖水春風不改舊時波故取此名橋會

稽縣志羅漢橋本名春波橋

柳橋 紹興府志在府東南三里明王毓著殉節處有

碑

山陰縣 城外 關梁

杜浦橋 於越新編在府城西北十五里嘉泰會稽志

自此而南煙水無際鷗鷺翔集過三山遂自湖桑埭

入鏡湖

文應橋 宏治紹興府志在縣北一十里昌安門外舊

傳朱買臣讀書於此鄉人爲之立祠於橋側買臣封文應侯故名

虹橋 嘉靖山陰縣志在縣北十里宋理宗少時浴於

此故又名浴龍橋

魯墟橋 嘉泰會稽志在縣西北一十三里南爲漕河

北抵水鄉如三山吉澤南莊之屬又北復爲漕河漕

河之北復爲水鄉渺然抵海謂之九水鄉宋曾文清

詩淡跨水鄉勝謂不減吳松卽此是也

西跨湖橋 山陰縣志去縣西南五里鏡湖上南通離

渚路

亭山橋 於越新編在府城南十五里近鏡湖諸溪之

水滙焉

蘭亭橋 輿地紀勝在山陰晉王右軍修禊處橋下水

聲晝夜不絕有含暉亭

吳奎題蘭亭橋詩秦望奇峯北天章古寺東石橋跨驚瀨

雪屋麗層穹

國朝康熙三十五年重建

高橋 山陰縣志去縣西北二十五里運河塘上橋最

高故名

柯橋 嘉泰會稽志在縣西北三十里伏滔長笛賦序

云蔡邕避難江南宿柯亭館取屋椽爲笛注柯亭在

會稽郡

胡曾柯亭詩一宿柯亭月滿天笛亡人去事空傳中郎在世無甄別爭得名垂爾許年

涵清橋

宏治紹興府志在縣西小步里永樂中里人

張季能建

錢清浮橋

紹興府志在府城西北六十三里舊以木

柵為浮橋

王禕錢清江浮橋記錢清江古名浦陽江其地控驛道舊有浮橋蓋比舟為梁以濟

不通而近歲廢不治至正十七年秋寧夏吳君以憲臺行軍都鎮撫分鎮蕭山山陰兩縣觀橋之廢慨然嘆曰是不亦有司之缺失歟亟命哀民戶之義助升公帑之羨儲計其物力度程而新作之凡為舟十有二上架板度相屬以為梁其長三百有六十尺廣十有七尺聯之以鐵絙絙如橋之長而維其兩端於南北隄使舟常比而梁常屬與波濤相上下雖水湍悍而往來者固無虞人莫不以為利也橋成書其事於

石明宏治八年邑人周廷澤建

靈汎橋邊多感傷水分湖派達迴塘岸花前後聞幽鳥湖月高低映綠楊能促歲華惟白髮巧乘風馬是春光何須化鶴歸華表却數凋零念越鄉

三橋

嘉泰會稽志在縣東南五里有橋三其中橋有

亭扁通濟今鏡湖分東西以此橋為限

渡東橋

於越新編在東郭門外明會稽令羅相建陶

齡渡東橋記越郡隍水而城直東郭門者曰划船港厥浸尤廣南鎮平水上竈諸山之溪流皆委焉三道注射湍悍難渡重以霖潦風雨舟每覆溺其南岸故有英濟侯廟涉者必禱以其嶮阻阨危工鉅費繁梁之為亟而力最艱故謀舉輒豫章羅公來令茲邑臨流惻嗟從者忭起以萬歷二十三年二月僱工再歲工畢跨水數百丈灑水十有八道樹石為兩棹楔表諸途凡市石傭力之費為白金八百五十兩捐月俸三十兩餘出諸施者既成命曰渡東出其塗者謳誦歌舞相屬太史氏望齡聞而采之為銘銘曰越

國於澤厥阻在山言言崇墉時其兩間澤流浩瀾山
 流蕩撼傾高助深是曰坎坎涉者維何車舟馬楫如
 提千金載一棗葉陽侯甘人灑血滲牙盲風怒波淚
 齋紛拏旋入深淵不可蹈些行惻道謀仁人是嗟仁
 人伊誰曰我羅父頭水足春歷有年所靡枯不濡靡
 墜不舉如雨膏萌如飈颺羽乃飭泮宮乃營京坻秩
 祀是嚴弗塗是治匹夫煩冤曰已溺之圖厥萬安易
 此一危表正蚪移鞭驅石走雌蜺半舒青龍欲吼扶
 楯天行盤根地厚席過輿徒宵趨穉耆在昔州使旌
 賢造廬梁水於門橋名與俱那人稱焉東郭大夫厥
 壤維均惠濟則殊宜系公官若郎官湖宜姓於公如
 鄭白渠又如迷人善逝所吁誰為津梁西來衲徒我
 公之功異理同符嘉
 名渡東亶其然乎

洞亭橋

嘉泰會稽志在縣東十五里陽明洞前架小

亭其上橋東數十步又有鬪牛觀山二橋入龍瑞宮

雲門橋

嘉泰會稽志在縣東南三十五里若耶溪南

旁有仙翁釣磯宋考功之問詩云鴈塔騫金地虹橋

轉翠屏謂此

石橋

雲門志畧在雲門寺前舊有麗句亭架其上黃

亭遊雲門記自秦望而下諸山泉並注於此流淙活
 活至冬不涸當水盛時飛瀉噴薄足與吾杭靈隱迴
 龍橋相敵蘇舜欽送張行之詩五雲山下石橋邊六
 月溪風灑雨寒今正炎天君獨往松間尋我舊題看

五雲橋

於越新編在府城東二十六里舊跨溪今在

平陸

陸游五雲橋詩若耶此與鏡湖通縹緲飛橋

告成橋

萬歷會稽縣志在禹祠西以禹治水告成故

萬安橋

會稽縣志在六都樊江廣渡菴之南橋長二

萬十四洞

浪煖橋

會稽縣志在雙溪港張神廟之左平水上竈

古二溪之水合流於此向有木橋水稍漲卽衝壞明張

賢臣捐資料衆易以石名曰浪煖崇禎末山陰謝顛

重修

毛洋橋

於越新編在府城東四十里又東爲陶堰

曹娥渡

紹興府志在府城東九十里絕江而過隔岸

爲上虞

吳鑛曹娥渡詩渡頭帆落與雲平江上花開

斷碑已沒中郎篆古廟終存孝女名
自恨經過番客鬢愧將書劍負平生

何山渡

會稽縣志在縣東北五十里

小江渡

會稽縣志在縣東南一百里渡口有茶亭守

渡船

蕭山縣

漁臨關

於越新編在縣東南十五里凡竹木自徽處

衢嚴往諸暨者泊臨浦抽分發寧紹者過義橋等壩

白鷺塘抽分紹興府志漁臨關有橋

互見權稅田惟
祐漁臨關橋記

蕭山密邇省治西通衢發徽嚴諸郡凡商販竹木簞
筏自上江順流東下悉集蕭山漁臨二浦故工部分
司雖總設於杭而於蕭山漁臨則亦各置權場焉縣
之來蘇鄉地濱東小江名單家堰而抽分厥在小江
之西永樂間有木橋跨江以渡尋廢嘉靖壬辰工部
主政薛公移水關於此商民往來者尤衆公議建石
橋未果而去民架木梁以渡而江濶水漫危險可畏
今歲六月值工部主政林公臨縣詢知民病遂決前

議壘石為梁列五洞跨江東西以丈計者十餘
肇工於七月十九日迄工於十一月二十日
謹按紹興自漁臨關外山陰有錢清關瀉渚關清潭
關花街關三江關會稽有嵩陡關平水關餘姚有陸
浦關石堰關上虞
有梁湖關今俱廢

夢筆橋 輿地紀勝在縣東北一里卽江公所居處也

蕭山縣志齊建安中建 葉清臣修夢筆橋記浙江之東偏會稽為古郡地方百里

者八而蕭山居其一焉縣目伽藍者五而昭慶寺為
甲焉夢筆橋者乃直寺門絕河流而建之也初齊建
安中左衛江公皈依依法乘脫畧塵境捨所居宅為大
福田則斯橋之興與寺偕始其賦名索義亦由此也
自會昌流禍池臺起傾平之愴大中再造十木極文
秀之華准造舟之制曠日不復物豈終否有時而興
天聖紀號之二年冬十有二月隴西李君以廷尉評
實宰是邑周爰井疆鋪觀圖籍感釋子之能志惜江
氏之寢微且懼褻裳厲深為斯民病所涉難貽來
者羞乃諭居僧俾募信施三四仟之攸種咸植善根

百千金之所宜悉歸寶塔府部不費里旅不煩山虞
致木而叢倚野人運斤而風策經始不日而功用有
成琉璃倚空而半環浮氾跨波而欲渡雕楹盡而端
絳鈞楯繚而橫絕肩摩轂擊控曳路而下馳飛蝗鳴
舸貫清流而直逝以材之豐美精工之開隙又作駐
節亭於橋之北次艇子雨棠足以憩行者之勤虹霓
一朶誠可免涉者之病是知創橋以表寺先賢之遺
懿益光由亭而視橋上人之用心兼至建一物而二
美其故君子謂李君為能云華鎮夢筆橋詩綠波照
日情無奈碧草連天恨未消欲向夢中傳彩筆柳絲
低拂曲欄橋

謹按夢筆橋以江寺而名文通捨宅為寺故橋謂之
夢筆耳蕭山志刊誤云文通未嘗至越捨宅為寺乃
總持井文通也觀此則所稱夢筆者正屬附會且縣
志於建橋歲曰建安中按建安為漢獻帝紀元南齊
無建安年號此
誤之又誤者

陳公橋 於越新編在縣城東一里蕭山縣志明萬歷

四十四年邑令陳如松掘通雙河塍折運河水使南注因建橋焉

惠濟橋 宏治紹興府志在縣東北惠濟寺前一名鳳

堰橋

漲潘橋 蕭山縣志刊誤在縣南十五里以潘水所經

得名

石橋 蕭山縣志舊名浮橋明宏治七年山陰周廷澤

易之以石比海塘傾橋亦就墮守道楊一葵於萬歷

四十二年修塘而橋復建

陸游渡浮橋詩潮生抹沙岸雲薄漏月明江頭曉色

動鴉起人未行扶攜渡長橋仰視天宇清遙憐繫舟人聽我高展聲水鑑得少憇一笑拄杖橫澄漪弄清

影微風吹宿醒湛然方寸間不受塵事擾寄語市朝人此樂未易名

白鶴橋 萬歷紹興府志在白鶴舖前東與山陰界萬

歷問施良貴修

惠政橋 蕭山縣志元簿趙誠建

楊維禎魚浦新橋記

蕭山縣魚浦新橋成浦之西北距浙江東南商旅提揚樵蘇負荷者胥此乎道焉晨出暮返奔渡拏舟不無蹶踣覆溺之患縣主簿趙君來鎮於茲易舟而梁不三月而底於成長凡五百尺洞十有五楹十有六提其兩旁棧板欄翼亘其長呼昔無而今有翔實功之難也橋出沒於潮汐之險又難也事出於昔人之所難而得於今日之所易謂惠而知為政者非歟於是顏其橋為惠政銘曰江水湯湯界浦之疆涉浦作渡民病於航趙君為政惠而有方誰為浦廣不可以梁維彼梁也四方之光也德之長也民之不能忘也

高遷橋 蕭山縣志刊誤吳志曰孫策入都都人迎於

高遷十道志曰重襲見孫權於高遷今縣東北有高遷橋

錢清方家橋 寶慶會稽續志距縣西四十五里在小

江之西歲久斷圯守汪綱重修寧宗御舟經從撤而

復葺

西興渡 方輿勝覽在縣西十二里本名西陵水經注昔范蠡

築城於浙江之濱言可以固守謂之固陵今之西陵也吳越王以非吉語改西

興紹興府志為吳越通津有官舟水工二十四人其

私舟姓名亦各隸於官有罹傾覆之患者官以法治

之謝惠連西陵遇風詩行行道轉遠去去情彌遲昨發浦陽兩今宿浙江涓臨津不得濟停楫阻風波

積憤成疾無萱將如何周匡物西陵待渡詩萬里茫茫天塹遙秦皇底事不安橋錢塘江上無船渡又

阻西陵兩信潮

諸暨縣

陽塘關 諸暨縣志夫縣五十里浦江縣界嶺下兩山

相逼唐宋置關於此元廢明崇禎癸未倭賊蔓延復

壘石置關今迹尙存

義津橋 嘉泰會稽志在縣南二百步唐天寶中令郭

密之建

桂花橋 宏治紹興府志在縣西二里卽上湖橋

太平橋 於越新編在縣東門外舊為浮梁諸暨縣志

唐大歷中建尋廢宋淳熙間修武郎壽康孫建石橋
日久圯元時卽舊址建浮梁鐵纜維之明景泰間邑
令張鉞耆民駱李清等復建石橋又圯

國朝順治乙酉知縣劉士瑄重建

會義橋 諸暨縣志縣南一十五里舊名黃白山橋明

隆慶中邑令梁子琦重建又名梁公橋當甌婺萬山
之衝橋遂傾圯萬曆庚子劉光復修建又圯

國朝康熙庚戌知縣蔡杓重建

千衒橋 宏治紹興府志在縣北三十里居民于于深

造

楓橋 宏治紹興府志在縣東北五十里唐時建宋淳

祐間重建石橋作亭其上 武衍楓橋道中詩路接官

家雨餘天迴雲生葉日午風輕稻放花
橫睡活禪不動綠楊遮老翁相見如相識
自析瓜季襲楓橋夜泊集古詩水潤風高日復斜
鶯絲繞入人家船頭繫箇松根上霜葉紅於二月花

干溪橋 於越新編在縣東北六十二里相傳爲干吉

所居 魏野干溪橋記干溪橋去縣治六十里春夏之

壞郡之叢守黃侯道經其地曰是橋要道也壞至此
乎乃召其邑之義民駱某等告以其由將與役適郡
守洪侯來蒞郡事曰此吾之事也遂首出已俸爲倡
駱某等亦皆以資力爲助召匠需材肇工於成化五
年之月日畢工於成化七年之月日洪侯名皆闡之
莆田人黃侯名璧江右浮梁人陸游過干溪橋詩南
劍歸來席未溫南行浩蕩信乾坤峯回內史曾游地
竹暗仙人舊隱村白髮孤翁鋤麥隴茜裙小婦闖籬

東... 卷三十一
門行行莫動鄉關念
身似浮萍豈有根

善感橋 諸暨縣志在雙溪係浙東諸郡往來之衝明

萬歷三十二年王友艱於嗣故建隨得數子因名善

感

義士橋 宏治紹興府志在縣西八十里里人陳志寧

創義於此故名

晚浦渡 諸暨縣志晚浦東聯越郡西接蘇杭商賈往

來之所向有義渡久廢

國朝順治間有傅應麟者置船恐久復廢捐田五畝作船

夫工食又捐屋三間收稅作修船之費義渡自此永

存矣

餘姚縣

澄清橋 宏治紹興府志在縣東二百五十步近按察

司故名

黃橋 嘉泰會稽志在縣西二百步紹興府志水經注

江水東逕黃橋下蓋黃昌宅橋也

明星橋 宏治紹興府志在縣東南一里

江橋 明一統志跨餘姚江上嘉靖餘姚縣志宋慶曆

間令謝景初用木跨江橋之尋壞崇寧五年邑人莫

若鼎復建建炎三年金兵焚之紹興初復建淳熙五

年壞七年復建咸淳三年壞其年復建德祐二年張世傑焚之入元再建再壞其再建也蓋浮橋云至順

三年乃成石橋名曰通濟

韓性通濟橋記至順三年餘姚通濟橋成按宋圖經

姚江在餘姚縣南十步橋曰德惠建炎中廢縣令蘇忠規重建至淳熙戊戌而壞司業王速方里居捐貲以創歷歲百餘至咸淳而壞司業之孫王籍曾孫應龍復創建焉易名虹橋建十年而燬縣令杜仲仁進王氏子孫而諭之曰此君先世義事也不可勉於是應龍即舊址經營其族人濤相等相繼盡力至元二十年九月橋成未備獨欄楯縣尹夏杞使邑人趙孟嵩等助成之至延祐六年九月而壞有僧惠興言於官請作石橋為永久利州官許之經始有緒而僧亡州判官牛彬恐遂廢弛命道士李道寧繼其後且捐已俸為倡而力董之會奉議大夫監州拜住奉議大夫李恭來知州事與同知州事帖木兒不華賈策判官張志孝唐僑吏日陳天珏沈思齊咸勸成之至是而石橋成名之曰通濟風帆浪楫停潮依汐鱗居

通關東西相屬橋之名遂冠東浙非直一州偉觀而已州人疏其本末至山陰使性為之記餘姚

縣志明萬歷九年南洞大圯邵陞修之

國朝康熙間又圯雍正七年總督臣李衛重修

李衛重建通濟橋碑

記從來民間利涉莫便於橋故水涸成梁詳於夏令而禮申關梁之謹史垂不梁之戒蓋所係綦重也况在東南水鄉尤不可缺予自蒞浙江來所屬州郡凡有便於民者無不仰體

聖天子

子子惠元元之至意設法舉行而橋梁之圯者增修

廢者創建亦不可勝數聞姚邑城南有通濟一橋跨於大江為西抵曹娥東達寧建郵傳行旅往來必經之路慶歷間邑令謝景初架木以渡嗣後旋建旋圯蓋橋既長而木易朽其為旦夕之謀者終不可為經久之計也至順初有僧惠興請於官改木為石而羽士李道寧續成其願明萬歷九年橋南大圯則賴邑紳邵名陞者捐資以倡而徐名倫者佐之竣工焉至雍正四年日久歲深橋復頽塌其石橫卧江心徒步舟行兩失所便雖邑令募工發石暫建木橋稍通來

東在... 往然橋低面窄當秋濤洶湧水道紆迴驛傳要路終多病涉爰飭該令與邑中紳士會議重建務須俾民樂從勿多派勿強索以為斯民累時則有請於村市以勸募者有請擇殷實而勸將者有請計其田之多而始勸之捐助者彼此道謀訖無良策而檄催妥議則紳衿士庶咸以照依七年之田糧每兩出助少許尤為大公而至溥焉爰允其請一時鄉城遠近無不欣悅紛紛投櫃惟恐後期遂得興工於七年二月至九年仲春而橋以成是役也用石計價一千五百有奇用大小椿架木計根二千一百有奇用鐵計觔約二千五百用人之力計工約四萬其橋較前增長二丈五尺計長二十六丈五尺增高十級計高一百六級下列三洞俱可舟楫雖工程浩費然衆擎易舉在官未嘗苛取在民未嘗傷財而從此巖險可恃輿徒可通濟不濡軌涉無褻裳是亦敷布皇仁為姚邑庶民計深慮遠之一節也因勒辭於石以垂後

戰場橋 萬歷餘姚縣志在縣南四里宋宣和二年睦


寇犯境縣遣顧秀才徵所部鄉夫鑿壕龍泉山後寇乃取道鳳亭欲自南門橋入越帥劉述古率官軍迎戰於此敗其衆今訛為轉糧橋

客星橋 寶慶會稽續志在縣東北一十五里陳山舊

有橋屢成屢壞淳熙十年僧清式改作甃石翼以石

欄極為堅壯里人以其在嚴子陵墓側因名孫應時

客星橋 記嚴先生吾餘姚人也邑東北十里有奇峯曰陳山是為先生墓乾道中故太師史公鎮越始告縣表墓起精舍曰客星堂而為之田長吏以時奉嘗陳山臨大浦民橋其上善壞淳熙十年僧清式大改作甃石如虹表百有五十丈石欄翼之甚壯六年乃戎里人相命亦曰客星橋將使四方之士舟車之過焉者喜其名而相告也應時敢記其事於石且歌之曰山川之靈人為重輕風土之佳人為晦明先生釣游有榮



一州先生故邱云胡勿求陳山雄
雄石梁崇崇斯名斯歌以諗四方
於越新編在客星
山北與安山並今呼為安山橋萬歷餘姚縣志明嘉
靖十六年壞十八年重建

隱鶴橋 於越新編在縣東十五里唐莫盛携鶴至此
忽隱不見故名

新橋 紹興府志在縣西北二十里舊跨長冷港曰長
冷橋亦名方橋明初置臨山衛斥官道遷長冷橋為
新橋

黃山橋 嘉靖餘姚縣志莫詳其始建歲月其燬而再
建者在宋紹熙間元至順間嘗修之

距理所二里有善政橋橋旁有大小黃山土人因謂
為黃山橋嘗燬於火紹興間僧覺因合眾力重建三
年而後成逮寶祐間橋之建六十年浸及於邑人
獎暉率眾修葺而橋完又七十餘年當至順年晉寧
李恭知州事來視橋梁欹石泐過者憚憚則與察案
議曰橋百年不修則壞壞而更不可以及吾指
其以爲之倡於是監州某同知... 某是
其勤協力而成之州人踴躍謳謠西過山陰澤中俾
性為至正間復壞十九年僧自悅重建潮汐奔潰不
可置一石自悅祝天願少卻潮忽竟日不至乃併力
基之橋始克成時方國珉鎮邑諛珉者更橋之名曰
福星初爲二洞高危易敗明正統三年改爲三洞萬
歷紹興府志嘉靖三十四年倭寇猝自海上來居民
計無所出遂毀明年城東士大夫各以義捐金復建

力修折江通志 卷三十六 關梁四



橋石柱而木梁等復屋其上

橫河橋

於越新編在孤山東北為閘蓄東北諸鄉之

水

上虞縣

通濟橋

於越新編在縣南一百步宋王吏部義昭重

建名通利元至元中改今名萬曆上虞縣志明萬曆

三十二年令徐待聘令居民壽來泰等重修

豐惠橋

宏治紹興府志在縣東一里舊名酒務橋萬

曆上虞縣志宋令樓杓重建易今名

袁熒豐惠橋記縣市有酒務橋

周顯德中所建歲月滋久石或斷缺往來者稟乎有壓溺之憂邑侯乃以歲計之餘捐金募工伐石更造

以舊名額不雅思易之邑人林谷膏澤推原所自名曰德政侯不許曰天以豐歲加惠我民事幸而集于

向德焉以豐惠揭之其可愛請於起居舍人魏了翁書二大字以扁之初侯興是役也復輦舊石為橋於

剪水閘之上侯秩滿去而是橋適成邑人相與言曰令尹雖不言功吾儕能自己乎歸功於天令尹之志

也歸功於令尹邑人之志也乃以德政名閘上之橋而鏡諸石以致思云

楊橋

萬歷紹興府志在縣南一里宋嘉定中浚玉帶

溪得石刻楊喬二字陳光祿絳云昔孟嘗為合浦太

守以病自止隱處窮澤身自耕作隣縣士民慕其德

就居止者百餘家同郡尚書楊喬前後八上書表其

賢今縣東一里有孟閘云是嘗故宅宅西有楊喬巷

橋名或由此

謹按弘治紹興府志謂楊橋曹操與楊修辨曹娥碑陰字在此故名劉孝標世說新語注云曹娥碑在會稽中而魏武楊修未嘗過江安得此事語林云操讀碑於汝南所摹者非在曹娥廟也今橋雖距廟三十里未必以是得名

九獅橋 於越新編在縣東等慈寺前上虞縣志至正

中重建

黃和中九獅橋詩幾年危磴倦扳躋疊石成功信可稽楹列九獅留舊事車乘駟馬待新

題長河俯瞰多飛鷁高岸橫陳有斷蜺多謝老僧能起廢盡將勝槩付招提

孟宅橋 嘉靖浙江通志漢合浦太守所居萬曆上虞

縣志又曰還珠橋

華鎮孟宅橋詩溪上還珠太守家小橋斜跨碧流沙清風不共門墻

改長與寒泉起浪花

青雲橋 萬曆上虞縣志在龍王堂側宋令樓杓建邑

人名曰德政後尹王璘重建以木易曰思賢

余應璠思賢橋

記至元壬辰沂水王璘奉命尹虞甫及期而故事悉舉獨德政橋僅一二廢柱屹乎中流橋在剪水關西去纔二里縣東舊無橋梁水口山低而遠陰陽家所忌宋嘉定四年宰樓杓始建此橋以關鎖之至元丙子遭兵燹而橋隳距今十八載矣公顧瞻故基徘徊慨息為興剏計又念民素貧瘠歲且不登若仍架以石橋未必成而民且困因乘農隙而鳩木材取其力省而功速也公自視歉然不欲襲舊名而易曰思賢欲思前賢而行政也

復圮元至正乙未邑人杜致甫架石梁尹

林希元又名杜公橋明萬曆丙戌令朱維藩北構文

昌南新奎文復剏橋其間以青雲名焉今又名聯登

橋 百官橋 太平御覽水經注曰上虞縣亦名虞賓舜避

丹朱於此故以名縣百官從之故縣有百官橋

謹按晉太康地記亦云舜避丹朱於此十道志上虞縣百官橋一名舜橋太平寰宇記越州餘姚舜橋避丹朱於此百官候之故名要之橋雖以舜名諸說皆未可信

合清橋 萬歷上虞縣志東西兩溪合流處橋屢壞里人周袞購石造橋分三洞以泄其流

學堂橋 嘉泰會稽志在縣西北四十里俗傳朱買臣讀書堂也傍有洗硯池朱侍中廟

梁湖渡 上虞縣志在曹娥廟前 宋岳梁湖渡詩渡口天低雲接樹風急浪平沙倦鳥依帆下 夕陽斜長遊始問槎 征人隔岸譁眼前風景別詩意屬誰家

百官渡 宏治紹興府志在縣西北四十里 李光百官渡詩曉雨微茫水接天隔江茅店有炊烟杖藜獨步沙頭路猶記當時趁渡船

嵯縣

子猷橋 於越新編在縣東五里晉王徽之返棹處 世說

新語王子猷居山陰夜大雪忽憶戴安道時戴在剡即便夜乘小船就之經宿方至造門不前而返人問其故王曰吾本乘興而行興盡而返何必見戴曾幾子猷橋詩小艇相從本不期剡中雪月並明時不因興盡回船去那得山陰一段奇 張旌子猷橋詩 千山雪霽玉嵯峩百里衝寒特地過縱使興闌回棹去絕勝俗客到門多

南門橋 嵯縣志在南門外南津渡當南北通津元末有浮橋廢明嘉靖二十六年知府沈墜檄縣造木橋

名沈公橋 王畿為記尋圯萬歷元年知縣朱一栢置渡船

二隻渡夫二名每年修理三十六年邑進士周汝登請知縣施三捷建石橋長亘里許廣厚通輿馬嗣知縣王知遠縣丞王文運修之天啓間推官李應期崇禎間知縣方叔壯相繼增造復爲怒濤衝圯

國朝康熙間知縣張逢歡縣丞胡珏典史毛鼎鉉重修

西門橋

於越新編在縣西門外明邑民王漢二捐金

甃石橋垂成洪水衝壞嘉靖間知縣譚潛因舊跡益工以成嶧縣志萬歷二十九年知縣吳濟之縣丞邵斗重建

國朝康熙七年知縣張逢歡縣丞胡珏典史毛鼎鉉邑進

士尹巽延僧明道募助修葺

謝公橋

嘉靖浙江通志在縣西一里因康樂得名

釋

嵩題謝公橋詩白雲深處小橋橫流水涓涓古意生多少升沉都不見至今留得謝公名

望仙橋

宏治紹興府志在縣北四十里嶧縣志舊名

嶧浦橋明萬歷元年主簿吳祺重建崇禎五年山陰胡氏徙建去舊址十步後爲洪水衝斷布以竹木屢修屢壞

國朝康熙六年知縣張逢歡等延僧自一募助重建

尹巽爲記

沐恩橋

嶧縣志在縣北六十三里舊爲木橋明宏治

間邑人鄭岳易以石

孟愛橋 嵯縣志在縣西十五里明正統間知縣孟文嘗勸農於此故名橋

新昌縣

桂香橋 成化新昌縣志在縣東一里仙桂鄉二十都

三溪橋 新昌縣志在縣西十五里邑人呂天章建

石橋 名勝志水經注云浦陽江東逕石橋下有石井

口徑七尺溪之兩旁皆高山山有石壁二十餘丈輿

地志云刻東百里有石橋里人傳云舊路自石筍入

天姥今石筍橋下一大井與水經合疑卽此也

頂斯寄石橋僧詩逢師入山日道在石橋邊別後何人見秋來幾處暉溪中雲隔寺夜半雪添泉生有天台約知無

却世緣

古松橋 紹興府志在縣東北二十里當台寧三水交

衝之地邑人劉炳建

司馬悔橋 仙都山志在縣東南四十里舊傳司馬承

禎隱天台山被召至此悔因以爲名土人重建此

橋板書其上誤以悔爲晦曰司馬晦橋其義與字傳

之益舛按雲笈七籤載司馬晦山在台州天台山北

係第十六福地李明仙人所治之處山在天台新昌

二境間故橋以山得名

周文璞送人之桐柏詩半里松黃蘸碧波狂夫於此欲如何洞天春曉歸不得司馬悔橋芳草多

濟川橋

新昌縣志在縣北溪邑人潘復寵等建有濟

川庵置田贍僧守之

三溪渡

萬歷紹興府志在縣西二十里舊有石橋每

春夏水暴漲卽壞萬曆中知縣田瑄置渡舟以濟之

勅修浙江通志卷三十六

勅修浙江通志卷三十七

關梁

五

台州府

臨海縣附郭

平橋

赤城志在州治小廳前宋淳熙十五年宗守穎

重建跨池爲屋左右植芙蓉

曾幾平橋詩浪說吾邦

枕簟芳氣馥衣裾客位經過少官曹
簿領疎良辰不行樂秋水落芙蓉

悟真橋

明一統志在府治東北宋張平叔所居之地

赤城志舊名黃牛坊橋慶元三年葉守籤更名

狀元橋

赤城志在州東一里陳侍郎公輔居之

臨海縣

城外關梁

中津橋 輿地紀勝在縣南一里修八十六丈廣一丈

六尺宋淳熙八年守唐仲友建唐仲友修中津橋記

臨三津其中最要道招舟待濟寒暑尤病仲友以淳熙庚子來守自念承乏牧養大利可作廼分官吏庀工徒度高下量廣深立程度以寸擬丈創木樣置木池中節水以箭効潮進退觀者開論然後賦役始於四月丙辰成於九月乙亥築兩堤於皇華亭之東甃以巨石貫以堅木載護以蓄槌中為級道兩旁為却月形三其層以殺水勢南堤上流為夾水岸以受水衝堤間百十有五尋為橋二十有五節旁翼以闌載以五十舟舟置一碇橋不及岸十五尋為六棧維以柱二十固以槌後隨潮與橋岸低昂續以版四銀鐵為四鎖以固橋紐竹為纜凡四十有二其四以維舟其八以挾橋其四以為水備其二十有六以繫後繫鎖以石困四繫纜以石獅子十有一石浮圖二纜當道者植木為架遷飛仙亭於南岸遷州之廢亭於北岸以為龍王神之祠為僧舍及守橋巡邏之室二十有一間凡橋關舟棧竹纜之須用錢九百八十萬既

成因其地名曰中津銘曰台江之津憧憧往來橋之未作吾民其咨豈無智謀亦阻浮議橋之既成其勤在繼矜吾民兮閔吾勤赤城志紹熙元年江守乙祖

今永詔厥後見斯文兮

慶元元年周守擘二年劉守坦之嘉定四年黃守營

六年余守建皆重修之劉更名慶元黃仍其舊十五

年齊守碩逆防其壞大加崇葺舟補舊者四十創新

者十有四布版道二十有九鈎闌一百六十有二又

以餘財別為舟五穴南岸藏之以備異時更易臨海

縣志明弘治初郡守馬岱置田九頃八十一畝歲課

租銀九十八兩以供歲修今廢正德間郡守顧璘重

修歲僉橋夫二十名守橋以防橋船漂失

國朝順治十八年造石橋成移於上津西門外康熙二十五年石橋壞於大水仍遷浮橋於故地

上津橋 台州府志在朝天門外舊時亦有浮橋兵燹

後橋廢馬守岱所捐田盡遭隱佔

國朝康熙三十八年知府閻承詔查出捐田四百五十餘

畝重建上津浮橋並將租銀及臨太兩邑欸銀詳請

各分一半為橋夫工食及歲修之費後壞於大水五

十三年知府張聯元清查租銀欸銀並捐俸重建歲

加修葺通詳勒石

赤欄橋 廣輿記府城臨海門外晉成公綏為章安令

嘗登橋望江作雪賦臨海縣志又名章安橋其上有

小亭東西有樓

懷義橋 輿地紀勝在縣東五里乾道六年守向初建

交禮橋 赤城志在縣東五里一作交鯉因唐開元中

蛇與鯉鬪而名臨海縣志因大固鄉舊有交禮里故

名

吉祥橋 明一統志在縣西三里宋天禧中建赤城志

以近吉祥寺故名乾道六年亭其上

通明橋 赤城志在縣東三里以其路通四明故名台

州府志宋有十將鄭者居之又名十將橋溪流原抱

城南下後決而東

國朝康熙五十八年知府張聯元修復形勝東築巨壩俾

溪水由橋下直入東湖合流靈江亦使城壕水深便

於防禦

大回橋 臨海縣志在縣東一十五里赤城志一名雙

橋濱溪舊多梅花

錦衣橋 台州府志在縣東二十里舊為邵家渡以明

布政蔡潮出已衣以成橋故名

九星橋 台州府志在縣東一百三十里宋乾道間建

有九洞

三十六渡 赤城志在縣東二十里自湖滌東至小芝

凡三十有六節故名

三江渡 臨海縣志在縣西十五里舊有官渡歲久漸

壞明嘉靖戊戌同知朱世忠邑令劉大直移徙上流

里許築大埠造巨舟建濟川堂買廢寺田三十畝給

篙工民多便之

蔣鳴玉三江渡詩靈江活活自西來
潮口沙鳴兩岸迴萬木參天渾未曉

鳴榔一響
霧中開

黃巖縣 縣橋 赤城志在縣南一十五步宋宣和五年建黃巖

縣志明隆慶二年楊令廷表重修增二橋於左右

利涉橋 嘉靖浙江通志 俗稱浮橋在縣北一里台州

府志在澄江上舊為江亭渡宋嘉定四年楊令圭建

長一百丈廣三丈為台溫通衢 葉適利涉橋記嘉定四年二月黃巖縣浮

橋成林萬叔和為其知縣楊君言曰橋長千尺籍舟

四十欄籬緯索隄其兩旁榭圖後貌訖三十旬斤鐵

九千木石二萬五千夫工六萬餘縣東南車馬擔負

而客之塗皆達於橋西北樵採挈而民之市皆趨

於橋諸公跨天台陟鴈蕩行過黃巖皆喜曰增一橋

矣蓋奔渡爭舟傾覆蹴踏之患既免而井屋之富屢

肆烟火與橋相望不絕甚可壯也台州有橋自唐守

始君一縣作之抗其力如州倍難也願子記以為君

酬予少從叔和兄弟游每為予言縣直北山爽氣浮

動花柳之麗雪月之勝無不在江北予問至程頭必

徘徊顧瞻輒阻江而返屢矣今既橋而叔和與邑人

漢浴沂以歌詠令君之遺德而余已老不復有四方

之事徒慨思而不能從也因附見之亦以志予之不

志斯 游爾 舊設利涉橋用千餘畝蠲其他徭賦租以備修

理費不及民公私兩便明成化間折其半隸太平隸

黃巖者六百二十二畝有奇 潘士驥利涉浮橋詩陽

南天杳杳魚貫輕舟影不流蟻移過客何時了幾回

吹斷西風顛雲斤月斧費萬錢沙禽冷眼崖花笑空

山有石 無人鞭

孝友橋 赤城志 在縣西一里修六十丈廣三丈跨大

江別浦宋元祐中令張元仲累石為之元仲字孝友

因以名橋慶元二年圯於水縣人趙伯澐重建築為

五洞橋面亦五折取道其中坎兩旁以竅水翼闌其

上視舊功十倍焉今但呼西橋 潘士驥西橋秋月詩



痕冷浸青青天風生萬籟瀉金液風定一顆摩尼圓
飛步如遊桂香陌影濕虛闌和露拍蘆花灣近霜鴻
驚亂啼錯認東方白

東浦橋 赤城志在縣東北一里許即混水閘橋

桂枝橋 赤城志在縣東二里左理居之宋紹興二十

八年建

利渡橋 台州府志在縣西十五里舊為斷江渡江流

湍悍人多溺死明袁令應祺建橋成於萬歷己卯秋

名利渡 秦鳴雷利渡橋記黃巖邑在山海間往來之

道非緣崖而躋即跨江而渡若橋江視他渡特險艱於濟焉有海袁侯泣治問民所疾苦而興革之於是居民群入以告侯曰是誠不可已顧帑無羨貲乃捐俸為倡遠近聞侯意爭相捐助唯恐後乃以僧元蘊練實可任悉以委之僧乃測江之南北若干

尺分為七梁梁廣如長數而殺其二鏤趾所立皆以身泅於水而定之已乃攢木以抵衝懸機以引緯蓋憑虛構實務俾堅好以為永利比成侯以酒往落命以今名

得勝橋 黃巖縣志在縣東南三十里宋宣和中建赤

城志宣和寇亂逼南鄉翼日與寇戰廟前橋上見神

立空中飛矢石如雨寇驚走南鄉得全故名

丁家渡 台州府志在縣西五里有丁婦死節於此故

名黃巖縣志明嘉靖間教諭黃統仁捐貲治舟割田

三畝募舟夫以便往來

亢山渡 黃巖縣志在縣西二十五里里人鄭于鑛造

舟以資往來置田以備修理鄉人德之

天台縣志在縣東九十步宋淳化元年建以

孝義橋 台州府志在縣東九十步宋淳化元年建以

近孝義坊故名

臨川橋 嘉靖浙江通志在縣西一里赤城志舊名西

橋宋隆興二年令王琰索石而建且亭其上琰臨川

人故名 陳騏臨川橋記隆興元年冬十月甲戌臨川

庭可一里聯約以度歲作歲祀編毗苦其役迨公之

來會費五百萬錢出俸四十萬為邑先爰即故址營

之穹石以為楹巨木以為梁甃以培石灰以塗甃二

年閏月丙辰告成公率僚友觀之僉曰大夫之力也

願即以臨川名遂歌以落之曰壯哉滄溟跨蛟龍麗

今霄漢垂蛛竦疑若有神施磨礪鞏鞏然不動蕪華崧

環瞻山幄凝翠空俯睨溪紋織微風夜半橫浮沆瀣

中朝來掩映扶桑紅車馬颯沓西復東宏規頌列

誰功競將六年壽我 天台縣志元祐五年水壞復修

公願與此橋俱無窮 亭廢明永樂七年暴漲衝壞知縣張荆委陸孟洋許

均重建

明康熙六年知縣侯仁爵率里民陸必捷姜承齊等重

建

思賢橋 天台縣志在縣西二里赤城澗上宋嘉定二

年令詹阜民有德政秩滿邑人送至此刻石名橋以

紀善政又名迎賓橋橋側宋儒潘子善故宅在焉圖

經云咸平五年建後壞明萬曆十九年義官許榜重

建

長洋廣濟橋

台州府志在縣十八都長洋澗上明洪

武年間建

宋濂長洋廣濟橋記天台縣西二十里有山曰鷓鴣二水發源其間合流至長洋復

折而西與大溪匯然後滔滔東逝當夏潦秋霖水驟進氣勢奔突咫尺如隔秦越里人壘石為小橋不能殺水怒竟蝕而去邑大姓洪紹生憂之乃集子姓與謀累址於淵鑿石於山大牙相函魚鱗密比架為高梁崇以尺計者二十有五修倍之翼以石闌與橋相齊甃東西兩隄各二百尺有奇傍築菴廬三楹招浮屠惠澄者守之始事至元己亥之三月訖工於庚子之十二月費錢一萬緡夫工一萬一百橋成隱然如虹霓跨空而收截險利涉之效下視飛濤如履衽席遂名之日廣濟云

清溪橋

赤城志在縣西五里天台縣志宋令丁大榮

建大橋以鶴仙名之

楊嗣起清溪橋記清溪在縣西五里韓注湍悍每遇湍潦輒成

巨浸慶元庚申縣令丁侯來長斯邑亟詢之眾眾曰在昔大夫嘗有意於斯不短於幹局則嗇於資財以

故無所建立侯曰事雖難成於有斷苟求度牒以就成之得錢五百兩以繼其之禮致鄉之士急於義者十餘輩分董是役十有餘年命始於壬戌之春訖於癸酉之秋橋成是日是橋之成君之功蓋以鶴仙名庶幾召伯之公衆之遺意使後之人知所自侯名大榮毘陵人明萬曆六年令雷如鳳重建石橋環澗二十有八名岳公橋四十三年令胡來聘修崇禎間知縣程良符重建石橋七大洞廣一丈餘行人利焉

國朝順治間橋廢建木橋以濟涉

振錫橋

赤城志在縣北一十里國清寺東舊名東橋

後寺僧亭其上以水聲如振錫更今名

飛泉橋 赤城志在縣西二十里蓋取孫綽賦瀑布飛流而名

茅橋 天台縣志在縣西三十里赤城志舊名通濟後以地多茅姓更今名

澗渚渡 赤城志在縣東十里始豐之水出於此其清如紺碧焉

溪南下渡 天台縣志在縣東南一里官渡在此
仙居縣

觀政橋 仙居縣志在鼓樓前宋朱子建穹橋以壓獅子山明隆慶元年令黃公議平之改今名

市橋 赤城志在縣西一百三十步景德四年建
平政橋 台州府志舊名白水橋赤城志在縣東一百

五十步宋嘉定十六年建以溪水白色故名仙居縣志明萬歷二十年主簿曾學周重建改今名知縣汪

夢說顧震宇屢修之
迎恩橋 赤城志在縣東六十五步舊名東河橋宋嘉

定元年令姚偓重建以嘗迎詔書於此更今名
社橋 赤城志在縣西二里以其處社壇側故名上有

傾蓋亭
三橋 嘉靖浙江通志在縣西三里台州府志以孟溪

馬踪張阜三水合流而名明正德間知縣曹廷桂偕

主事張糠重建明季又圯水月堂僧德進募而新之

苦竹橋 赤城志在縣西五里其側多植苦竹故名

慶雲橋 仙居縣志在縣東十五里赤城志宋慶元元年

年建以有慶雲之瑞故名

斷坑橋 台州府志在縣東二十里宋紹定六年令程

士龍政成解組民送之於此又名留程橋

折桂橋 仙居縣志縣西三十里以宋吳芾子侄聯科

故名

廣業渡 仙居縣志在縣西六十里卽九郎溪也明萬

歷間主簿曾學周造舟濟人

羅漢渡 台州府志在縣東南三十五里卽今羅渡

國朝康熙十七年僧於渡頭建三層樓頗壯麗

寧海縣

遺惠橋 台州府志在縣東跨玉河明萬曆壬辰令曹

學程建近程長官祠故名

桃源橋 赤城志在縣東一百九十步夾岸多桃花舊

傳水源出天台因取劉阮事而名 台州府志元儲國

秀自稱桃源主人

過遠橋 萬歷寧海縣志在縣南二十五里崇福寺前

永逸橋 台州府志在縣西由雙樓至小桐巖十里大

溪二小溪四明萬歷丁亥令周應雷建

桐山西橋 萬歷寧海縣志縣東北三十里赤城志因

山得名宋嘉祐八年縣人應宗貴聚石而建 羅適桐山西橋

記距縣東北隅半舍之近有聚落焉曰桐山一溪經其中溪亦因山而畢會漱齧隄址洶洶不可禦昔為梁以木濟諸行者曾無期月之固由是往來之人嘗病其涉邑有應宗貴者集其族人與鄉之強有力者議以石易之於是捐鏹以給其用召釋子普寧以督其役不踰月而橋成凡植柱二十有五鑿板二十餘錢總五十萬一邑老幼四方之商旅有過而觀者咸嘉其用心焉羅適憶西橋寄昉師詩長憶西橋避暑時天風六月襲人肌水隨地脉來無盡雲過山頭去不知拂岸稚松應偃蓋當年遊子已龐眉憑師莫動溪邊石留待東歸題好詩

集義橋 崇禎寧海縣志縣北四十里紫溪舊志作十

二保橋

登台橋 明一統志在縣東七十五里台州府志取孫

綽賦語名之宋紹定中發運鄭霖與僧元海同建 王應

麟登台橋記寧海縣東七十五里瀕鉅海有黃公渡是為登陸之會其東曰西洲發運尚書鄭公居焉公為太學生慨然有及物之志常涉是渡時浮屠元海適同舟公中流謂曰津人操楫涉風濤危孰甚焉蓋為橋以濟元海曰是吾心也他日子策足要津共成茲事可乎公曰可哉元海哀檀施空貯橐鳩工隄石肇癸巳至甲辰一星終始成橋一洞公方董餉淮右捐俸餘佐其費又為洞者三丁未歲公起家持浙西常平使者節輸廩給俾續前緒於是五洞就而元海逝其徒有清隱惠疇者復往叩公公戒惠疇謁諸公貴人求助且割俸裨其不足訖成跨海為梁二十四洞時庚戌夏五月也公之孫濤圖列事蹟屬應麟著

石章垂久遠乃為之辭曰台為古海隈與天際溷彼
 橫津坎險孰濟濤湧颺悍一葦航之鯨吐鮫噉嗟人
 慄危有偉鄭公懷仁斯惻身雖韋褐心已禹稷爰語
 苾芻汝其維梁一念之烈填海匪難昊穹實臨成公
 之志于淮于浙公濡六轡縮衣賤食惠我鄉閭厥施
 豐溥我祿之餘儒釋一心同於濟物謀不愆素衛淇
 晉澳如虹貫日如鼉浮江登陸結轍坦履康莊溟波
 不揚百靈朝夕天吳紫鳳貼妥受職元凱富平維何
 造舟未若茲橋鎮壓瀛陬鄭公之德巖巖無極爾駟
 爾車過者必式

至治中圮釋復元募建明成化十七年復圮知縣張

弘宜修

上白溪渡

萬歷寧海縣志在縣南四十五里即狐嘯

渡

下白溪渡

台州府志在縣東南一十五里

常樂渡

崇禎寧海縣志在健跳城外明正德間里人

張士斌造舟以濟

太平縣

三元橋

台州府志在縣十字直街

登雲橋

太平縣志在學宮前邑生林尚冲建

渭漳橋

台州府志在縣治東一里

國朝康熙二十一年知縣郭治重建

沙埭牯橋

太平縣志在縣東北三里林喬年建林應

禎修

橫峯橋

舊浙江通志在縣橫嶼東台州府志舊志作

月河橋

雙桂橋

台州府志在縣十四都葉檢校德驥建

靈山橋

舊浙江通志在靈山寺前

泥源橋

台州府志在江家橋西明隆慶間邱氏造

國朝康熙間知縣郭治重建

石橋

舊浙江通志在縣二十三都

截嶼渡

太平縣志在縣二十二都過渡入樂清界

清港渡

台州府志在縣二十四都三山楚門往來之

衝

金華府

金華縣 附郭

金華縣

城外 關梁

通濟橋

嘉靖金華縣志在通遠門外去縣西南一里

元大德四年西峯寺僧宗信募緣剏造未成元統二

年浙東憲使徐爽造

黃潛通濟橋記發源溪為郡二水薄城南合流而西其勢滋大

距城一里所故此舟為浮橋以達往來霖潦暴溢緇弱弗支舟多覆溺西峯及菴禪師憫人之病已甚謀伐石作橋以利永久度地於浮橋西若干步定基繫石旁為兩堤中為一頓片頓之形西正方東則小橋而刻其上以殺水怒起大德四年秋九月訖十年春三月兩堤一頓皆集未及架木為梁禪師彙委順示寂元統二年春部使者徐公甫下車友雲龍公時主西峯法席亟以茲橋為言乃市大木於處之遂昌募良匠於閩南江左以至正二年夏四月庀事於是諸頓悉完頓之高去水四尺貫以木梁被以石甃高出頓上又八尺而橋成橋之修七百八十尺廣若干尺覆以屋如其修廣楹間五十而為殿者

三為亭者二因浮橋之舊名榜曰通濟竊考其廢明興之故而備記之用誌歲月貽諸後之君子云

洪武三十五年燬於火天順壬午副使馮靜重修成

化中郡守周宗智復為屋宏治初復燬郡守郝隆重

修金華府志嘉靖間洪水墩墮者四郡守張鉞姚文

昭葉宗春相繼重修萬歷間損壞縣令方元彥重修

天啓七年洪水傾圮縣令高倬再建崇禎七年復壞

縣令王士鏞徐調元重修至乙酉被方兵焚燬曆隆通濟

橋詩芙蓉山下錦為溪二水迢迢繞郭西襟帶勢成雙浦合簷牙高出眾峯齊春流不斷長鴻影夕照猶

聞天馬嘶萬里登途還奏賦仙郎何負少年題

國初知府張安豫捐俸首倡功未就至康熙癸卯守道胡

養忠知縣王世功重建庚戌又壞中塚知府吳紳知

縣李錦重修甲寅寇亂盡燬知府張蓋及知縣王治

國暫造浮橋以濟康熙二十年橋船為大水衝壞知

縣劉培捐俸分給橋南各畝造船二十二隻以成利

濟三十二年復為大水衝壞知縣趙泰牲捐俸首倡

邑中募義樂輸重造新船三十六隻加砌兩岸馬頭

又置田若干畝積租以為修理之費始事於甲戌年

七月至九月告成

宏濟橋 嘉靖浙江通志在赤松門外維舟為之金華

縣志通武義永康達於處州原名上浮橋明永樂中

義士袁大珍為舟二十有四維以鐵組架板其上未
幾洪水暴漲組絕舟敗宣德三年大珍子淮重建杜
為萬歷金華府志成化十三年知府周宗智重修每
舟往來必候撤板人以為病正德間郡守趙鶴乃架
木為二梁以通之

國朝順治三年橋壞九年知縣王世功重建康熙六年知
縣邢振岳修九年知縣李錦加修

旌孝橋 嘉靖金華縣志一名通遠在旌孝門外通義
烏浦江下為石墩上覆以屋山橋水經其下向東流
入大溪

正果橋 萬歷金華府志即孝順橋在縣東五十五里
橋屋三間枕慈溪水經其下西南流入大溪

文明橋 嘉靖金華縣志即枝柳橋在縣南二十里通
湯溪金華府志南山水經其下北流入大溪

明遠橋 嘉靖浙江通志在縣東二十五里金華縣志
即土白橋通浦江

松溪橋 嘉靖金華縣志在縣南二十五里通永康縣
及溫台處長二十五丈楊柵溪水經其下年久傾塌
嘉靖丙申巡按御史張景重建萬歷金華府志復圯
山萬歷丙寅分巡道僉事李穉用石修完

山橋 方輿勝覽在縣治北二十里二巖對立溪流亂

石間故名山橋 黃滔山橋詩行行指水末路遂飛雲上時登巨石憇共聽春泉響等源竟

莫窮卽事成幽賞于石山橋詩北山之北兩山馳一徑蜿蜒石作梯脚力倦時山始好芙蓉東畔赤松西

含香橋 金華府志在縣東三十里北山水經其下西

南流入大溪 金華縣志係東義往來要津為水衝壞

僅存墜堦

國朝康熙三十一年知縣趙泰牲重建

雙溪渡 金華府志在縣南三十五里接永康武義大

溪

蘭谿縣

慶成橋 蘭谿縣志一名義成連跨官塘卽官橋也蓋

縣西一百六十步

福民橋 金華府志在縣西北城外浦口蘭谿縣志明

隆慶間地知縣傅元順重修

思親橋 蘭谿縣志舊名塌水副使胡僖家北城以母

沒思慕而建

悅濟浮橋 正德蘭谿縣志在縣西門外臨跨衢婺二

港舊名中浮橋宋紹興中始作於江運使行繼成於

知縣江文衡有橋莊之田以備修葺迨元季始廢明

洪武初知縣賈存義建之 徐元重重修悅濟浮橋記蘭谿合發衢二水邑之城

臨其東游舊有浮梁以濟元季戎馬擾攘廢渡垂二
十年邑宰賈存義閔人艱涉捐已俸倡率於是邑之
好事者佐財助力不數月成其制兩舟方之駕板其
上列楣其旁廣尋有四尺袤倍之為節凡五十連以
鐵鎖篋縛並維於橋上旁溪置石櫃五以木為閣下
石實其中以繫紼三置上流挽之防其順而下曲二
置下流綴之備其逆而上曲橋之端累石為壑萬歷
道餘三十級陞者涯立其扁曰悅濟仍故名也

金華府志成化六年知縣李璫又建未久壞於洪水

以舟濟渡正德四年六月縣丞田中令民主里共作

一舟而橋始成焉

章懋重修悅濟浮橋記蘭谿浮橋
宋紹興中江運使合衆力為之歲

久屢壞國初以來一作於賈侯存義再作於李侯璫
惜其未久皆遭洪水摧敗近有上書言浮梁不可廢
者詔可其奏部檄藩府施行郡守萬公以屬邑丞田
侯侯謂邑之編戶里二百四十而浮梁用舟八十艘
命民三里共作一舟所需鐵石之類亦以其數均之
衆情歡趨如治其私不兩月而竣事其橋跨溪中有

泥焉溪兩岸及中洲皆累石為梁梁之上各樹石柱

者二而中則有四為以八十舟聯為兩節舟上架板

為梁梁之兩旁皆有欄楣兩節之修總百尋梁廣

丈有五尺其舟首尾皆貫以連環鐵縷縷以篋纜而

兩端皆繫於石柱又以鐵作巨牙者十下墜於淵而

上繫其橋使不隨波上下且時其水之高下以為損

益又時其開閣以通舟
楫皆侯之所經畫也

金華府志萬歷二十二年大

學士趙志皋與邑令葉永盛重建并置田數百畝充

繕修之費明季燬於兵

國朝順治八年知縣季振宜重建

赤溪橋 萬歷金華府志在赤溪上江永貴重建

楊公橋 嘉靖浙江通志在東溪上金華府志宋時楊

克悅建

板橋

正德蘭谿縣志在縣東板橋鋪下宋紹興辛巳

僧可威建

蘇簡板橋記蘭谿縣陸走郡再舍而近車聲足音憧憧達旦板橋屈其中途春水時

至秋霖積潦衆壑悍激滙於橋下入於大溪橋壞勿治行旅病涉僧可威獨任其事因舊增新糜金錢二百萬募緣僅二十萬傾竭衣鉢以足其費營於紹興辛巳之冬成於隆興甲申之春礮石請書夫開道途謹關梁吏事也自郡縣力不暇給而重於勞民政廢不舉林下之人非有吏責而視朝涉者若已褰裳惕然有不安於其躬者誠可書也初威鳩工嘗語之曰昔橋高於路累尺謂水不能冒曾不知增高易歆客土難托水甚至汎濫於道固自若也當損高益平以便馳驅厚其址多為鋸牙以殺水勢益其廣疏為三碕以分湍流迄用此說工不加倍而橋遂堅壯云

因水衝壞知縣盛王贊重建

蘭谿縣志明崇禎十二年

東井橋

正德蘭谿縣志在十一都宋咸淳間知縣沈

應龍建

塢口渡

嘉靖浙江通志在忠祐廟前正德蘭谿縣志

宋時舊有浮梁知縣柴紱名曰通濟紹興中水溢橋壞僧仲機重建後又壞明永樂初邑人余邦永作舟以濟其子孟源又割田數畝以備繕修蘭谿縣志後廢余士相余伯穎造舟為渡

普濟渡

萬歷金華府志在平渡鎮即女兒渡也溪流

至是東西二百餘丈水甚湍悍宋紹聖中邑人劉思恭維舟百艘以梁其上因謂之普濟橋其後邑人劉濂縣尉李彥相繼修治又因鄉而改名曰望雲橋其

廢久矣今以舟濟渡云

東陽縣

玉帶橋 金華府志在東峴門內葛喬二太師住處

叱馭橋 明一統志在縣治東廣輿記舊名碧嵐西峴

山水所經

乘駟橋 嘉靖浙江通志舊名綠波橋在縣西一里

夾溪橋 金華府志在縣東三十一都界台新二邑高

十餘丈長三十丈明嘉靖間耆民趙模造

劉懋夾溪嶺橋記東

陽縣治東百里許曰夾溪嶺蜿蜒與天台相虬錯故其巖障益深邃而巖岫水為兩崖所束下注一溪悍怒狂激行者遠還踰躅弛肩脅息以俟先是人嘗議

役者嘉靖戊戌鬼山趙氏捐貲鳩匠百計圖之期必就凡費若干繕歷三載而功果竟余敘其顛末以誌

東陽人俾後來者有考焉又荆屋數楹以居守者 東陽縣志萬歷間趙明勒

張宗道等復修崇禎末年橋壞里人張宗泗胡求等

架木橋以渡往來便之

和尚橋 嘉靖浙江通志在縣北八里東陽縣志相傳

唐駱賓王與李敬業起義兵敗逃歸追捕甚急至此

削髮為僧故名

荆浦橋 東陽縣志長四十丈濶八丈明崇禎間僧知

禮募建

麻車渡 金華府志在縣東北五里有木橋

國朝康熙二十年於橋上流里許新設放生澤知縣俞允
撰文勒石為禁

河頭義渡 東陽縣志在二都地都民傳一泰置

義烏縣

文昌橋 義烏縣志在縣西八十步明知縣鄭錫文建

後廢知縣汪道昆改建縣西七十步

國朝康熙三十年知縣王延曾重修

野鴨橋 金華府志在縣北百八十步繡湖渠

湖記柳洲花島北有小堤通洲島堤受眾水架木為梁俗名野鴨橋

新吳橋 明一統志在縣治西宋淳熙中建萬歷金華

府志淳熙四年縣丞胡沃建橋下置閘以節繡湖水

利義烏縣志後圯明崇禎九年重建

國朝康熙十年耆民孟六卿重建十三年因縣無城斷橋

以禦寇平後知縣辛國隆甃石重修

登瀛橋 嘉靖浙江通志舊名南井橋在縣南一里崇

禎義烏縣志元至正五年建明洪武三十三年知縣

吳佑命李承理龔叔寧重建正統間洪水頽塌知縣

劉同命趙仲芳修築改今名

繡津橋 義烏縣志在縣西南三里知縣熊人霖造

霖繡津橋詩十里湖香接芰荷蕭蕭竹樹繡輕羅潺湲曲水穿山麓明月橋邊聽棹歌

興濟橋

萬歷金華府志

在縣東三里舊為浮梁曰東

江浮橋宋慶元三年知縣薛揚祖更以石縣民德之

易名薛公橋尋圯於水嘉定二年知縣施寅重建又

圯淳祐五年知縣趙圓卿作新橋易今名

虞復興濟橋記邑之

東江故有石橋始成於慶元初載淳祐壬寅秋七月
兩甚橋壞浮屠惟幾者欲踵成之時朱元龍自尚書
左司郎歸繡湖上惟幾謁曰願丐一言以興此橋朱
君屬之予予曰吾家萬山之中是謀非吾所能及乙
己冬十月趙侯圓卿來朱君約予合辭以言僕曰吾
責也博詢利病孰宜因革或謂前創稍早故水至而
壅於是增築其址視舊崇六尺或謂向也腹沙而背
壑故易潰於是實之土而覆以石當橋之中作屋五
楹又立東西二門直西岍作閣二間楹僧伽其上凡
可以增壯觀而壽此橋者無不為也橋未有名乃扁
以興濟因書其始

萬歷義烏縣志元大德五年僧永

相與謀者如此

識重修又圯皇慶元年達魯花赤木薛飛為浮梁泰

定二年僧仲文募作石橋於故址之西八步兩岸皆

有石堤中壘石為七頓橋長四十二丈僧智宏募緣

為屋以覆之其南二頓尋為水所激而仆達魯花赤

亦璘真重修明洪武五年南堤及二頓復毀於水至

十五年主簿聶用和復修永樂間為水激壞正統三

年縣丞劉傑捐俸倡民擇石為頓六年知縣劉同勸

民助資完之成化九年東陽盧孟涵改為卷石洞橋

十二年洪水衝壞十六年同知李珍復勸盧孟涵盧

孟實協力重建十七年暴漲衝塌十八年知縣齊溥

勸義民吳希仁南築石堤重建橋梁構屋建亭於其

上改名廣濟橋

王汝重建廣濟橋記廣濟橋自宋慶曆間縣令薛揚祖更為石橋後繼為

令者皆重造焉終不免於壞成化辛丑元城齊溥來宰巡行江上咨嗟久之翌日遂命匠氏伐石於山採木於林視北堤尚無恙則仍其舊南堤則累石為岸以遏水怒修一百三十尺崇與頓等中為頓凡七每頓用其舊之少半而增三之二其狀東則小攜而剡其上下則自下而上皆正方崇四十有五尺廣二十有四尺頓之上疊木六重高出頓上丈八尺貫以木梁木之上布厚板被以輓修四百二十尺板之上構屋屋以間計者四十南北端為亭者二亭之外為階級升降之道中為亭者一亭東西為神祠凡屋之兩旁翼以板以禦風雨每間虛其上為楹以供眺

金華

府志 宏治十三年知縣李文郁重修十五年知縣吳

盛勸義官吳希彩黃子宣虞子盛捐資重修嘉靖八

年大水壞者過半十四年趙模趙幹倡義築礮建橋

越二年復燬知縣方介命趙幹重修四十五年侍郎

吳百朋修之隆慶五年橋屋壞知縣歐陽柏重修萬

曆七年舉人吳大纘重整石礮二十三年礮傾頽梁

板朽壞知縣周士英命吳彥清虞學鳳等悉新之義

烏縣志天啟七年知縣鄭極詳修崇禎十二年撤朽

楹版以石十三年知縣熊人霖倡捐并為木闌翼之

因歲首迎春於此顏曰渡春橋

國朝康熙九年知縣于漣修十三年邑寇橋廢二十四年

知縣辛國隆市巨木為梁上覆以版又置田修葺三

十年知縣王廷曾倡建橋屋五十四年燬於火署縣張若需重建

西江橋

崇禎義烏縣志縣西南四里半明知縣熊人

霖造

虞國鎮建西江橋記邑治臨大溪萬曆中主者欲於釣魚磯為梁或病其遠不便往來遂請梁

於射堂南不得已從之梁址當潭暴漲輒圯屢圯屢修公私病之歲在戊寅之秋邑侯豫章熊公始視事

博詢利害罔不殫悉急召役夫徙之減馬捐薪以為經費不閱歲竣役以繩度之凡去舊趾九百武而止

侯西江之進賢人予因名之曰西江橋

景高橋

義烏縣志縣西北十五里浦江孔道民素病

涉明崇禎十三年知縣熊人霖伐石四丈成之

廣益渡

義烏縣志縣南三里地名下埠明萬曆七年

邑民龔來時捐造浮橋知縣范儁捐俸完之十一年

來時復累石為三泐浮舟加葺如故後舟損改高橋

以鐵索纜木版而濟二十年知縣周士英增修之後

水漲橋傾改用渡

石基渡

金華府志在縣東十九里通東陽

永康縣

仁政橋

明一統志在縣東南萬曆金華府志舊名大

花橋元至元五年改建以石易今名明景泰六年僉

事馮誠重建知縣劉珂繼成之

李棠仁政橋記永康縣東南三十步有水

匯而為淵名曰華溪溪當處婺之交行旅輻輳舊以木為橋隨廢至元間改石覆之以屋洪武中屋燬於

火景泰乙亥橋壞於水僉憲馮誠行部過之視橋之廢遂以贖刑之金庀材命工悉將就緒而馮弭節他郡厥功未究明年春安成劉珂來宰是邑毅然曰此有司責也遂殫力竭思窮日夜經營之不數月而橋成其長若干廣若干石以方計者若干工以日計者若干屋凡若干楹完美壯固有加於舊費出自公不取於下衆

永寧橋

萬歷金華府志在縣東南百三十步舊名小花橋元至順元年主簿赤蓋榮祖改建以石易今名

永康縣志明永樂間驛丞胡義葺宏治間市民徐符銘重建正德間圯其子璋復建

東橋 永康縣志在縣東北二百步延真觀前

年間民趙延懷建今為本橋

梁風橋

萬歷金華府志在縣東百步永樂十四年

建

李溪橋

嘉靖浙江通志在縣東南二十里萬歷永康

縣志景泰初僉事馮誠檄同知趙某督耆民李思傑施孟達建成化末圯於水正德中里人章德昭營建久弗就嘉靖二十三年僉事歐陽清捐俸為倡檄僧

德顯募緣合金襦濫處四府官民之力成之

洪垣李溪橋記

李溪渡東浙要津也舊有橋為洪波橫激以去嘉靖癸巳予承乏永康耆民章德昭走子論茲渡利害甚悉遂告諸府未得其方越七年庚子予自嶺南外補永嘉郡束裝晨涉見德昭之子章根致四明上人德

顯相與經始其事既二年予以事出華溪而茲橋亦成屹屹然且試以三春之水矣庠生章子樹詣予為之永康縣志今圯別建木橋

五錦橋 金華府志在縣西十里 永康縣志明正德十三年重建

烈橋 萬歷金華府志在縣西十里 永樂十四年重建

西津渡 萬歷金華府志在學前 永康縣志明宏治間知縣王秩造舟及僉渡夫以濟

國朝康熙間邑人陳疇助田為修辦渡船之資

武義縣

熟溪橋 正德武義縣志在縣東南宋開禧三年毀

簿石宗玉建因名石公橋 武義縣志明嘉靖二十五年令趙奇修之造六墩而止隆慶二年令林一鶚建

石墩者十架木為梁 萬歷四年邑令譚音造橋屋四

十九楹 陳善熟溪橋記武義縣故有熟溪橋民病涉邑令責也但令長未信於民而先以勞之不可居二年政教修明百廢具舉民再申前議會年大侵侯曰民艱於食而時詘舉贏不可 萬歷四年五月侯三載考最政通人和年穀順成侯度其時曰可矣乃捐俸為倡好義者翕然應之又益以罰贖之金五十緩米五十石踰兩月告成侯以書來請予紀成事按橋長凡五十丈橫一丈七尺為石墩者十為屋者四十九楹好義助工者皆得書刊之碑陰

國朝康熙年間知縣李經邦重修

文興橋 正德武義縣志在縣西一里儒學之東正德

十三年縣丞林有年建樹石刻日文興橋武義縣志

萬歷戊申重修

瑞明橋

武義縣志在縣治南八里舊名瑞村橋耆民

徐廿四等募建年久傾圮

國朝康熙二十七年史恩如募建石橋改今名

郭婆橋

金華府志在縣北十五里武義縣志舊有婦

人捐資所建故名後徐叔修之改名郭橋

雙溪橋

正德武義縣志在縣西二十里雙溪口正德

十三年徐魁建

內白橋

萬歷金華府志在縣東二十五里舊名白水

橋正德武義縣志跨白溪舊架木爲之屢爲洪水傾

壞正德十三年縣丞林有年砌以石凡三硤

苦竹橋

金華府志在縣西二十里正德武義縣志正

德九年徐昱建

化渡

萬歷金華府志在縣西一十五里武義縣志溫

處往來之衝風濤險惡義民何彥一捐田造船以濟

浦江縣

南橋

明一統志在縣治南跨浦陽江萬歷金華府志

宋元符中錢尙書通所建廣一丈九尺亘三十丈歲

久水決橋壞元至正四年達魯花赤杜那海作大堤

三百餘丈障水還橋下橋上創亭三楹中間以奉浮屠氏隄旁翼以扶欄植槐柳堤中創樓以憇行者堤盡處別建小橋以洩支流行堤上斜睨縣南飛樓傑閣掩映蒼翠中儼然圖畫也

方櫺南橋記浦陽江去縣治不一里而近每積潦人莫得渡宋元符間尙書錢適始構橋江上久爲橫流旁出橋若虛置至正三年達魯花赤那海公適長是邑明年秋首割已俸修治之僚佐吏屬莫不協從凡問巷鄉鄙之在編籍者亦皆出資以助而公專任其事焉遂鳩工伐石不期年而成其南又築堤於橋道接堤杪構小橋以疏別流舊有迎恩亭在社壇之右因徙就橋側且爲屋十四楹以爲偵候憇息之所扁曰臨溪橋爲磴道凡廣十丈有九尺亘五十步因故名扁曰南橋堤廣視橋亘五十步扁曰浦陽於是朱欄華柱映耀鯨波虹跨鼉戴雅麗駭日樹以桑柳蒨蒨林林樵者以歌漁者以舞負者戴者以往以來喁喁相屬也邑父老來屬余記故爲之詳焉

崇禎浦江縣志後圯明萬曆二十一年造木橋以便行者

國朝康熙十年邑人李如珪重修

韓西橋 萬曆金華府志在縣西一里 浦江縣志月泉

水所經

羅漢橋 崇禎浦江縣志在縣東十七里先有巨石屹

立溪中相傳石爲羅漢所攝卽石建橋因名左溪山

水所經

石斛橋 浦江縣志在縣東三十里 呂祖謙入越記石

旁大石如屋西走浦江道也

席場橋 崇禎浦江縣志在縣北三十里巖坑山水所

經宋寶慶初邑人毛日嚴建 林子燕席場橋記聚席場橋者幾百家山為坦

溪為閩溪沿羣山斗折蛇行迢迢三里居民編木以渡今天子踐極元年毛君日嚴捐帑廩鳩匠石剏橋於往來之津長二十八丈廣一丈八尺翼以闌楯鎮以魚虎計工四萬有奇三年而成予聞而高之曰利人本其仁任事本其勇不寶貨財本其廉能通人情本其恕本是四者可以觀其人矣

孝門橋 萬歷金華府志在縣東三十里浦江未置縣

時地屬義烏北鄙因顏孝而名

添平橋 浦江縣志在縣東三十五里治平寺邊

定龍橋 崇禎浦江縣志在縣東三十五里官巖山麓

為清陽山水所經路最要衝萬歷甲申僧廣倫募建

湯溪縣

黃石橋 嘉靖浙江通志一名黃路橋在縣北六里

雙龍橋 萬歷湯溪縣志在縣北十里羅夢鵠造

馬村橋 湯溪縣志在縣東北十里章勤造

表忠橋 萬歷金華府志在縣南十五里忠烈陶公廟

後

白馬橋 萬歷湯溪縣志在縣北十五里章琛章繼同

剏

官橋 金華府志在縣西十五里森琳湖畔

白龍橋 金華府志在縣東北二十五里明萬歷甲申

知縣陳茂驚始創石橋

葉灣渡

萬歷湯溪縣志在縣北二十里

張文濂葉灣渡記出城西

二十里為葉灣西南接衢括諸郡水而北合東陽新安江為浙東上游之要津行旅需扁舟濟者指千萬計而一二榜人挾陽侯之勢以制行旅緩急生死之命亡誰何者邑侯汪公進諸父老問計對自趙宋以來邑人江行嘗造舟為梁方是時僅衣帶水耳今洪濤澎湃虹梁非策也莫如官為造舟募水工以濟行者便侯曰諾遂捐贖緩首事而風諸善良以義樂赴者數十人鳩工庀材為船三艘復計所以利永久者以羨貲買田二十畝擇人掌其歲入以為修葺費既成長老屬予為記遂不辭而為之書

衢州府

西安縣附郭

三鳳橋

衢州府志在郡治東正街明郡守楊準建

寶坊橋

西安縣志在郡治東察院南郡守楊準建

朝真橋

宏治衢州府志在朝京泉大井東衢州府志

舊時用石平鋪架屋其上

國朝康熙四十六年疏濬城河里人募貲重建特令高濶

以通舟筏入城

西安縣

城外關梁

通和橋

天啓衢州府志在朝京門外水亭埠萬歷四

十四年郡守洪纖若邑令劉有源翊造

國朝順治庚寅巡道李際期知府韓養醇知縣成晉徵修

造頗如舊制

李際期通和浮梁碑記衢治城西朝京

洪纖若劉有源從紳士方應祥等十有三人共底乃績更謀踵事籍腴產若干歲入銀二百八十有羨備

詳通和橋錄中歷半週甲民稱利賴鼎革間廢且復尋又廢順治己丑秋予由督學奉

命巡金衢咨衢士民遂以暢月鳩工越歲火西告竣踐舟

二十有六編木架之廣二尋虹跨中流高視廣川徒

行絕水櫓行絕梁舟鉅丈有仞維以鐵絙左右抵岸

各千尺制皆從朔既成借郡守韓養醇邑宰成晉徵

酌而祝之董其役則門下士徐國珩徐應瑜徐應晉

余兆斗王大成徐國廉葉其理凡七人助財勸功別

勅貞石並甲寅之亂僅存楫木駕傲舟康熙癸亥春

吉來者總督王國安捐金更新之

畢蹟浮橋 衢州府志縣東去城十里明萬曆間金梅

造今廢

迎恩橋 嘉靖浙江通志在光遠門外衢州府志舊用

木平鋪凡三截後去其二易以石虹上用石板平鋪

兩傍石闌

國朝康熙四十八年知府楊廷望知縣王涵重建改名光

遠

高橋 天啓衢州府志在拱辰門外二里舊以木爲橋

隨作隨壞成化間王玩易以石

驛馬橋 宏治衢州府志在縣南五里卽今落馬橋俗

云黃巢到此落馬遂不敢入城因名

章戴橋 宏治衢州府志在縣北二十里一名東津橋

宋紹興四年守李信甫屬陳玃率衆爲之嘉定八年

守魏豹文重修毛憲章戴橋記章戴之水夏秋滂潦

里止僅成畧約以濟隨地李公信甫來典州顧寮吏
 曰橋梁之設有先於東津者乎以錢二百萬屬寓居
 故徽州通判陳公胤召匠慮材經營締建寺丞蕭公
 忱繼之捐錢且百萬參政婁公機時知西安縣亦二
 十萬總錢一千五百萬陳公董視斯役不憚寒暑橋
 成纔幾年而石將泐木將撓前官告院陳君汶一日
 訪予曰先君有志東津橋殆無遺力今漫弗訾省實
 所甚懼盍為我籌之余曰今太守魏侯下車甫期月
 政平訟息事有可為次第舉君盍試以東津之役
 言之陳君是余言詣郡白前故魏侯丞領納曰此郡
 邑責也遂屬役庀工越三月役終侯取廢寺及沒入
 官之田可四十畝贍僧區畫周盡足利悠永落成之
 日東西行者歡欣呼舞是役也陳君得以成其先子
 之志魏侯又有以成陳君之志一舉而兼二善焉是
 不可以無述

居民用板補之

百靈橋

崇禎衢州府志界江山縣浙閩孔道往來病

涉崇禎癸酉通判湯瑩署印江山捐俸倡建西安介

花上苑協成

蓮花橋

宏治衢州府志在縣北三十里宋紹興二十

七年易之以石衢州府志歲久毀壞用木筏撐渡

國朝康熙初有僧濟澄自靈隱來寓蓮花寺寒夜風雨中

感墮水呼聲設願構橋改置橋墩於一里之下高三

丈捲石梁五虹每虹濶四丈橋面濶一丈六尺兩壘

五墩共計長三十五丈橋面砥平傍採青石為欄左

右一百二十檻始於康熙己酉九月成於庚戌冬杪

約費四千金為西邑溪梁之最勝者

安仁渡

天啓衢州府志在縣東三十五里

楊萬里游衢州仙巖

過安仁渡詩明發溪山一雨餘覺來暑氣半分無行人道是三衢遠穩掛東風十里蒲

盈川渡

西安縣志在縣北五十里

龍游縣

白蓮橋

嘉靖浙江通志在縣南跨濠水衢州府志宋

乾道中令林自立嘗種白蓮其下週甃以石

通駟橋

宏治衢州府志在縣東百步宋紹興甲戌令

陶定建淳祐間樞密馬天驥重建元至正間壞於水

達魯花赤探馬赤重修明洪武間燬永樂初知縣祝

淵因舊補完正統間縣令張惠構石捲石龍游縣志

天順中知縣王瓚重增石捲石仍覆以屋

商輅通駟橋記

橋宋淳祐間樞密馬天驥所建石其墩而架以木行者便焉歷年既久風摧雨蝕木朽腐不支行者病焉天順庚辰弘農王君出宰是邑政教兼行士民嚮應乃進者老於庭而告之曰徒杠輿梁之成見於周禮誠為政之先務也矧通駟為橋西通百粵東達兩京使車之往來王程之遲速係焉非但商旅之經行而已乃命善工斲石捲而成之空其中以醜水者十其長以丈計者八十有奇而費以緡計者若干工力弗與焉始事於壬午之秋落成於癸未之冬因為記以傳來者

衢州府志嘉靖十年知縣陳越二十六年知縣劉梁四十五年主簿張贊

相繼修隆慶六年知縣涂杰重修萬歷二十七年中

文圮四石知縣郁德重修三十四年燬知縣吳應試重

修崇禎十二年復燬後止架木為梁無復蓋屋不數

年輒朽朽輒再易云

文昌橋 衢州府志在永安門外邑人余邦輔募緣為

墩六為砥五架木以通行者緣無覆屋架木漸圯萬

歷三十六年知縣萬廷謙復行募捐架巨木蓋屋三

十餘楹上有文昌像故名

萬廷謙建文昌橋記龍邑故多橋橋於治前者白蓮

也橋於靈源者通駟也第通駟築而望氣者忌其下流居空砂水飛走以致邑里蕭落科第晨星鄉大夫

松野余公病之乃聚族而謀募義鳩工驅石為礮捲墟為砥閱六載始告成焉無何而以無覆屋將就圯

也會予來領邑事復節肺石之餘以充費工訖凡三十楹浮屠七級文昌祠巋然居首費金一十有奇橋

遂翼然改觀自是襟帶山河連環織鎖地脉輪轉人物蔚興架梁之功豈曰小補之哉

龍游縣志崇禎十三年為水所壞十六年知縣黃大鵬重建

國朝順治十五年橋燬於火康熙二年知縣艾朝棟重建

十六年復燬十九年知縣盧燦縣丞何應武典史李

斌重建

穀水橋

明一統志在縣五里宋嘉祐間建

九里橋

衢州府志在縣西九里明永樂間義民余希

哲建嘉靖間呂廷宣重建

馬報橋

萬曆龍游縣志在縣東十五里相傳扶風守

徐宏戰死家人不知其所乘馬馳歸報始覺因名明

嘉靖間知縣甘用世重修隆慶間知縣涂杰重建為

砥五墩四廣二丈長十五丈

築溪橋

宏治衢州府志在縣東二十里景泰間知縣

張惠重建萬歷龍游縣志偃王築室居此故名嘉靖

間知縣甘用世重建為砥五礮四廣二丈長二十丈

笋墩橋

龍游縣志在縣北六里義民余緝建廣一丈

五尺長十丈為砥四為墩三

國朝順治年間邑人余宏重修

仙跡橋

宏治衢州府志在縣北三十五里舊名上虹

萬歷龍游縣志洪武間里人龔子禮建有異人過擲

錢資匠氏錢跡印石猶存故名

通濟渡

崇禎衢州府志在通濟門外

常山縣

仁壽橋

常山縣志在城內南隅坑頭

觀風橋

萬歷常山縣志在縣東文筆門外下跨龍潭

舊名迎恩成化間知縣余完建圮於水嘉靖元年知

縣侯正綱重建覆屋九間改今名

廣濟渡浮橋

嘉靖浙江通志跨縣東大溪宏治衢州

府志明初知縣劉利用建名靈濟橋尋廢永樂間知

縣仇經設渡夫以舟濟宏治戊午知縣王錫等仍建

浮橋

吾碑常山浮橋記常山廣濟渡故未設橋涉人

告病宏治丁巳浙藩大參湖湘吳公紀行部至
縣謂知縣王錫曰古者辰見角而雨畢則除道天根
見而水涸則成梁有司者可愬然乎王侯曰諾乃造

舟二十束板其上旁翼以楸聯以鐵繩繫於兩崖之石以原設渡夫十二人易名橋夫俾專視守葺興事於丁巳冬十月訖衢州府志正德初舟壞知縣陶金工於戊午秋八月築石墩十座架木梁於其上鐵鎖橋夫如故遂爲經久之規

鎮安橋 衢州府志在縣小東門外明萬歷間邑人陳朝等募建

新溪橋 萬歷常山縣志在大南門外嘉靖間邑人汪文鳳建

儻溪橋 崇禎衢州府志在縣北五里萬歷常山縣志舊以舟渡名金川渡宏治間分巡吳紀知縣王錫建

浮橋於其上正德初改爲石橋嘉靖末年北隆慶三年魏誥等重建

巖口橋 萬歷常山縣志在縣西南鄉七里巖嶺下僧

增巖口橋題碑溪之水一雨則漲涉者病焉在城廡斯詹潛詹瓊詹輝思有以濟之正德乙亥秋捐貲創建石橋一所屬予董其役告成甫五載而水壞斯乃獨力了結前緣高堅益加於舊雖雨病涉者免矣實正德辛巳仲春望日也

龍遶橋 衢州府志在縣西北六十里橋旁兩峯峻削相傳有高僧日坐河壩誦經募錢每人止取一文積數年成此橋後有龍欲踰橋去不能乃爪攫東壁山飛去降遂安北鄉今兩處皆有跡可驗

永安橋

常山縣志在七都球川石潭頭

徐烈永安橋詩兩岸青山

一水遙桃花三月漲春潮何緣谷口通樵客恰好沙灣架石橋

湖澄渡

萬歷常山縣志在縣北二十里

詹山湖澄渡詩漠漠烟雲

午未開危樓獨倚漫徘徊行人待渡心方急隔岸小舟來未來

招賢渡

宏治衢州府志在縣東三十五里

江山縣

仙霞關

明一統志在縣南一百里抵福建界為入閩

咽喉之地

薩都刺度閩關詩白雲下千峯盡入懷袖裏振衣度閩關灑作山下水仰登天無梯

俯視井無底古來守關人豪傑存有幾寒食百草青春風吹不起劉基過閩關詩二首關頭霧露白濛濛

關下斜陽照樹紅過了秋風渾未覺滿山杭稻入關中峻嶺如弓驛路賒清溪一帶抱山斜高秋八月崇

安道時見棠梨三兩花張以寧登閩關詩獨步青雲

最上梯入閩如井眼中低泉鳴萬鼓動哀壑山飲雙

虹垂遠溪家近尚無鴻鴈信客愁復有鷓鴣啼書生未老疎狂意更欲崑崙散馬啼

謹按仙霞嶺即古泉山也杜佑云泉嶺山在衢州信

安縣西南二百里漢朱買臣云東越王居泉山一人

守險千人不能上今其山周圍百里皆高山深谷磴

道凡三百六十級歷二十四曲長二十里唐乾符五

年黃巢破饒信歙等州轉畧浙東因刊山開道七百

餘里直趨建州即此嶺也宋紹興中史浩帥閩過此

始募人斃以石路自是鑿除鏃削舊時險阨稍就寬

平凡自浙入閩者由清湖渡舍舟登陸連延曲折逾

劫修折江通志

卷三十七

關梁五

云

關之稱

九清橋

天啓江山縣志在清湖萬歷二十二年知縣

蔣光彥建天寧寺僧性德與周德福等募化採石作

九堞每堞高七尺橫二丈直三十丈作屋覆其上共

二十四間

自為記

天啓三年被水衝壞

國朝康熙間總督郭世隆卽九清橋舊址建橋船二十隻

鐵索二條知縣朱彩建亭兩岸

浮橋

嘉靖浙江通志在鹿頭溪縣東二里

橫湖橋

宏治衢州府志在縣南十里景星鄉天啓江

山縣志邑人王溥建萬歷間溥孫良佐重修

延齡橋

宏治衢州府志在縣南三十五里江山鄉江

山縣志明嘉靖間知縣黃綸修建

國朝康熙二十五年大水摧壞三十六年福建提督張旺

重建

昭明橋

正德江山縣志在縣南三十里江山鄉宋僧

木菴建衢州府志明知縣劉慧重建邑人指揮王允

德倡募王志鄭思澤董其役起澤捨田助銀贍之天

啓間知縣張鳳翼令澤孫程德春重建

國朝康熙三十七年改建石虹旁菴亭

慶雲橋

天啓江山縣志在長吉里人朱夏柴時秀建

韓駒慶雲橋詩縣郭連青野人家蔽綠蘿地偏春事
少山迥夕陽多踏水披崖出仙舟掠岸過傳聲細扶
柁吾老法風波幸棄疾慶雲詞詩二首草稍出水已
無多村路瀾漫奈雨何水處有橋橋有月只今平地
怯風波斷崖老樹互撐拄白小綠畦相灌
輸焉得溪南一邱壑放船盡在歸來圖

吳村橋 宏治衢州府志在縣東四十五里感化鄉正

德江山縣志一名步雲橋吳祿應建

太平橋 正德江山縣志在縣西南五十里姜叔彬建

國朝康熙三十五年大水衝沒三十八年祝禮鎮徐良梓

重建

峽口渡 正德江山縣志在縣南七十里為閩浙要道

知縣吳仲造船砌埠翼以雨亭往來者便之衢州府

志明嘉靖間知縣黃綸置渡船二隻夫四名

開化縣

和平通濟橋 明一統志在縣治東宏治衢州府志宋

紹興丙子邑令喻仲遠建庚子令丁朝佐重建通濟

橋記開化溪水湍悍舊為民病政和間參政李光為
令日始為橋以便往來事創之初其制未盡不能支
久紹興丙子令喻仲遠集村鳩工徵松江垂虹之制
為之壯麗特密其年而成歲平辰復記於水又十年
市警胡應瑞易為浮梁徙諸上游淺水淺澗不常易
以腐敗今令金華丁朝佐下而為若皆以橋為請君
乃因舊址度其廣袤之數截流而氣其長六丈分
為二十三節捐已俸先造三節以爲民勸應者紛然
遂足其數始於庚子七月壬子成於九月辛未每節
為六柱三城兩旁益以二楯楯員以巨木而下施鐵
鎖鈎聯以爲固板厚二寸五分廣一丈四尺盡布以
輒傍壓以石爲屋以蔽風雨中為亭素浮屠氏爲民

力修折工通志

卷三十七

關梁五

美

保護負者乘者如履平地不知身在風濤之上也慶
橋成書來求記予在桑梓實聞其詳故紀其實

元間令趙伯玉重修咸亨圯於水里人徐斗高等起

造浮橋縣令胡通直重修元至元間主簿丁世傑架

橋蓋屋至大間里人方景任鳩工建造尋壞元統間

主簿捏古伯重建明洪武初知縣何永安復建九年

圯洪熙乙巳洪田寺僧向誠葺緣侍郎吾紳主事宋

玘與好事者徐叔謙倡率造石為梁

國朝順治中知縣朱鳳台重修

雙溪橋 嘉靖浙江通志在縣南一里宏治開化縣志

宋政和中縣令李光建後圯於水紹興乙亥令喻仲

遠重建毛开雙溪橋記開化一溪古未置橋政和中

會稽李光嘗蒞茲邑始教民為橋然制度隨

甚卒為湧水所毀厥後里豪相與踵之而力大費夥

累歲不竟紹興乙亥歲令桐汪喻仲遠之來審知

其故因行視地勢商度工用勸募閭伍應者雲集仰

近山得鉅材數百根費以大省未幾橋成如所素計

丙子某月某日明年某日則始訖之歲月日也鑿溪

之深聯木為楹步二而柱橫木貫之三藉以大板其

厚四寸飛欄相扶以翼其外中為亭以便休息乘者

得以安行者得以肆十年之缺一朝而舉之是亦

難矣始予聞而心善之會眾請文

為記故備述其本末以告來者

成化間令林清伐石甃墩嘉靖間復圯令李文重建

石梯橋 開化縣志在縣北三里石壁峭立下臨密賽

淤有道士疊石為梯七十餘級橋成勢若飛虹

金溪橋 弘治衢州府志舊名南歸橋在縣南五里

察溪橋

弘治開化縣志在縣北十里徐滔建宋咸淳

間圯於水遂剏渡船

仁壽橋

崇禎衢州府志舊名虹橋在縣東二十里

巨濟橋

弘治開化縣志舊名孔埠在縣南三十里


原鄭

善巨濟橋記金溪邑萬山間去治三十里曰孔埠其地當吳楚閩越之往來一川清瀉涉者病之於里人劉同祖度為浮梁其季父清暉公扁曰巨濟里之陟是橋者如履康莊喜之相與為永久計得田二十五畝籍其歲入更無後顧憂居數年日朽月蠹摧剝就圯田之籍於橋者已歸於故主而扁亦不復見延祐四年春清暉之子文敘與同祖之子秀孫復經工庀材為舟凡十有六縻以鐵繩翼以丹楯踰月悉復舊觀田與俱復視昔增善因擇謹厚者司其錫以相其後又數月而舊扁出焉默若有應者嘻亦異哉足不可以不記其助田之姓名類見之碑陰云


國朝順治中知縣朱鳳台重建

龍山溪口渡

嘉靖浙江通志在縣南二十里石門鄉



天保製大已



天新製大印

蘇山第口數

囊散池工取法亦殊固于里石門濼

國師館中收錄未鳳台重錄

